

東
華
續
錄

光緒七十九

臣朱壽朋敬編

臣章圭瑒恭校

冬十月辛酉命額勒和布圖敬銘恩承張之萬充會典館正總裁錫珍翁同龢延煦烏拉喜崇阿麟書潘祖蔭充會典館副總裁○壬戌劉錦棠奏准於光緒八年間陳奏裁撤各城回官請將讀書回章分別給予頂戴一片經部議覆回章誦習一經熟諳華語各部給予生監頂戴核與例案不符應俟租通文義時再行酌設學額應文取進若以該回眾等但須讀書識字不必責其文理應由該大臣另行酌給獎勵等因當經分別咨商去後旋准前甘肅學政臣陸廷祚咨稱查歷屆考試於取進各童之外另案備取增生回章中有能誦習一經熟諳華語者經部議准其另行酌獎可否仿照辦理仍俟設學後充作僮婢免其府縣兩考庶於例案無礙亦足以示鼓勵又准督臣譚鍾麟咨稱此事難期速效應俟三年後再行察看奏咨立案各等因准此竊維新疆地居邊塞纏回聚處諸俗異宜底定以來建置行省欲使殊方異族同我華風誠非澤以詩書不能爲力於各城創設義學選纏回子弟入塾讀書講解經義爲緊要法門並依照內地書院章程取其粗知文義者按月酌給膏火銀糧以示獎勵行之數年漸知向化迭據各屬州縣

申齋季課卷本核閱破承起講儘多可造之資近日鄉民竟有帶領子弟懇求入塾者是風氣漸開之效擬即按照部臣學臣原咨各節奏請辦理然恐各屬課卷或有粉飾之弊因於上年八月遴委揀選知縣任兆觀卽選教諭羅驊前赴南路各城面加考試據學各該童等多能誦習經書講解文義並齋呈課卷核與地方官所報尙屬相符當囑每屬拔取一二名以憑咨送甘肅學臣衙門註冊備作生俟設學後俾充倡導免其府縣兩考合無仰懇 天恩俯念邊民初知向學准其變通辦理備取生仍俟學業有成再設學官議定學額以符定制得 旨如所請行○癸亥諭太常寺卿奏大理寺卿明桂因本年夏間忽患肝症調理失宜不能勉強唱贊可否開去差使等語明桂禮節尙嫻豈得因偶有疾病遽辭要差致開諉卸之漸所請開去贊引差使之處著不准行○今毓英奏法使狄隆派員前往會勘保勝上游於本年七月二十日在越界猛烘者蘭地方被越黨截殺不敢前進因請覈圖定界經臣會同內閣學士臣周德潤電奏請 旨查案越南義民游勇以及苗獠紛紛屯聚法兵無計遣散沿邊地界實難履勘該使頗有戒心並深恥者蘭之事諱飾不言堅約彼此校圖經內閣學士臣周德潤與之商訂恭候 旨下辦理臣前患腹疾旋愈旋翻實因南谿地方山瘴水毒投藥未易見效現暫徙南谿後山古林箐地方調治以期速痊再正繕摺間適接內閣學士臣周德潤來函內稱河口交界地方自擊辦該犯王明魁後邊界

照常安職法使尤極折服現在遵 旨校對界圖業將竣事因 疾尚未就痊擬將圖說齎遞 旨營押
法使狄隆等定於本月內起程赴粵等語除俟齊押完竣會同內閣學士 臣周德潤專摺奏呈外謹先將
校圖竣事情形恭摺奏陳 上諭軍機大臣等岑毓英電稱界圖校畢現已畫押惟疾尚未愈殊深慮系
岑毓英著暫行回省調理以示體恤其界務防務未盡事宜仍著妥籌辦理一俟稍痊再行前往○以黃
河防堵出力予開歸陳許道鞠捷昌等獎敘有差○甲子允楊昌溶奏請福建鹽大使暫停分發五年○
乙丑予瀝越勘界受瘴病故道員葉廷容優卹○丙寅欽奉 慈禧端佑康頤昭豫莊誠皇太后懿旨恭
親王奕訢著加恩賞還親王雙俸○欽奉 慈禧端佑康頤昭豫莊誠皇太后懿旨原品休致大學士寶
璽著加恩以大學士致仕賞食半俸○諭前因御史 臣時熙奏參河南裕州知州朱柏壽正陽縣知縣項
則周寶豐縣典史王敦業舞陽縣典史閔世禧庸劣不職各節當經諭令邊寶泉查奏茲據該撫查明分
別奏參裕州知州朱柏壽公事尚無貽誤亦無勒索罷市縱容丁役因案釀命及任令伊子在外招搖各
情惟該員因病曾用洋藥醫治難保其必無嗜好著開缺留省察看調任正陽縣知縣項則周前在寶豐
縣任內尚無縱盜殃民重情在葉縣任內亦無侵吞公款等事惟居心巧滑工於趨避緝捕亦多廢弛著
卽行革職寶豐縣典史王敦業收受差役規費殊屬非是著交部議處舞陽縣典史閔世禧雖無需索規

贊喝殿斃命等情惟居官聲名平常捕務疏懈著卽行革職餘著照所議辦理該部知道○以崇禮爲正
黃旗蒙古副都統○己巳 慈禧端佑康頤昭豫莊誠皇太后萬壽聖節 上請慈禧宮行禮○予湖北
江夏縣節婦彭童氏旌表○辛未賜朱占魁等一百十九人武進士及第出身有差○甲戌張之洞奏上
年水災緊急之際賑饑堵決多方拯濟自八月後災象稍紓臣與前撫臣倪文蔚及司道等籌議會謂備
災之計與其補救於事後不如豫防於未然因擬籌集鉅款大修衝要圍堤曾於上年十月初九日將大
略情形奏明在案查廣肇兩府水害考諸省志從前每數十年十數年而一見近二十年來幾於無歲無
之其患常在西江若助以北江則爲害愈烈上年通省潰決圍堤一百五十餘圍高要高明四會清遠三
水南海六縣所屬一百二十九圍高要高明受西江之水四會受綏江及西江之水清遠受北江之水三
水南海兼受西北兩江之水故此六縣爲最衝餘縣或地勢較高或受水較緩或去海已近旁溢倒灌爲
患稍輕當九月間派員攜帶算生勘繪圖式籌計辦法於此六縣中擇其圍大田多常衝受灌者若干處
分別首衝次衝又次衝酌加培築分爲三路南海圍多事繁自爲一路責成前署糧道蕭韶督同署南海
縣知縣張琮辦理嗣蕭韶委署藩司卽專令張琮經辦三水清遠河多溜急面皆衝工程最爲喫重合
爲一路責成署陸路提督鄧紹忠辦理高要高明四會地處上游合爲一路責成肇陽羅道潘駿猷辦理

湘軍統領提督陶定昇籍隸岳州熟悉堤工檄調其部下弁勇赴肇慶幫同工作查圍基本屬民工然其時民困未蘇非由官先發鉅款以爲之倡不足以資鼓舞而司局各庫正當無款可辦且修圍基仍須帶微歸還事亦難輒查誠信數兩堂商人捐修會館銀三萬兩曾於上年九月間奏明發交紳董收儲改作修築圍堤之用又查辦肇慶府黃江稅廠書巡浮收累商案內該廠書巡等罰繳銀八萬五千元七允合銀五萬九千五百兩以助廣肇災區修圍之費本年三月奉明在案又光緒九年間直隸籌賑局司道以順山水災刊印捐資經前督張樹聲行司分發勸辦嗣據各屬陸續捐繳計收存銀四千三百兩零二錢二分因爲數無多其時順直賑務已竣尚未健解又上海協賑公所紳士嚴作霖等解來助修東省圍工西省路工規平銀二萬七百三十兩六錢九分四釐除撥解西省外尙存銀一萬五千二百四十七兩六錢七分又在上年試辦牙捐項下提銀十二萬兩又率同各官捐集銀二萬六千五百二十一兩零四分四釐共計籌撥捐集銀二十五萬五千五百六十八兩九錢三分四釐均充本案大修圍堤之用於上年十月內興工本年四五兩月先後告竣查南海縣地居首要勢處下游現將該縣西北兩鄉較爲喫重之五十二圍一律加高培厚並於衝要處所加築十圍或添築石砌建造石閘就中以資捍衛大體皆烏茶埔花崗南沙茂洲頭三水南岸珊門大良官洲大瓏下龍灣基羅格南北大富共十五圍基爲最要

共支用銀一十萬零二千兩由該署縣張琮督率紳董修理核實支發至兼轄南海順德兩縣最大之下
桑園東西圍已於上年九月照案於籌備堤岸項下發銀二萬兩交圍紳修築此係該圍生惠專款並非
正項業經於本年二月專案奏明計南海境內當衝較大之圍僅良鑾一圍因原修堅固未經存本以備
歲修道光十三年廣肇兩府大水前督臣盧坤等籌集官捐銀三萬五千餘兩紳富鋪租捐銀三十五萬
餘兩均充賑濟至修圍之費將奏明借給分限五年免息徵還光緒四五等年消連縣石角圍例決該圍
爲三水南海兩縣保障前督臣劉坤一等勸集民捐銀八萬餘兩修成石工此次水災海防適當倥傯重
勞民力之後而當衝各圍不能不急修以備昏漲若勸捐恐涉遲緩借款亦多爲難故擬籌集鉅款爲官
民合辦之策以資感發而速成功計此次大修官籌銀數合之去年夏秋堵決代賑銀八萬九千餘兩之
數統計已及三十四萬餘兩今年水勢雖覺稍緩而五月盛漲時較之上年高要僅差四尺九寸三水僅
差二尺六寸南海僅差一尺二寸各圍幸獲安全惟南海之射洲肚窩琴沙田子四圍高明之陳深水等
一圍衝決或數丈或十餘丈皆係低窪小圍傷稼尙屬無多但使每年少決十餘圍卽爲民間保全錢穀
百餘萬所助各款除會館賑書罰款本係奏明專備圍工之用外借用順直賑捐存款目前順直正有水
災應由粵另行籌捐還滙紳捐款出於樂施晉舉粵官捐款尤係分所應爲均不敢邀請獎敘塘租奏

留充公一欸本係各官應領之項令其節省輪助扣發辦公其牙捐一項因海防需餉甫經試辦並非向有庫欸且防海修園同一保衛民生之事今以取之於商用之於農似於情理尙順各園均經詳加查核委係實支實用此係官民核辦且並未動支正項錢糧應請免其造冊報銷仍飭各屬督令各園總業戶人等各就該園向章隨時妥爲保護自行培築日增月盛常保無虞其各園修過丈尺銀數官欸數目一面刊刻徵信錄宣示周知由廣東布政使高崇基會同善後局司道詳請具奏前來臣伏查此項大修廣築兩屬衝要圍堤乃仰體 慈恩浩蕩軫念邊聚故亟於懲前毖後之時勉爲曲突徙薪之計溯考粵省圍城案關係重要者共三起前督臣阮元則借欸提息專充桑園圍歲修意在先其所急惠而不虛盧坤則以賑欸借放圍欸免息徵還意在分別常變救急之與循法並行不悖劉坤一專作最衝大圍石工意在擇要併力求效較鉅三督臣辦法不同而用意精密實皆爲經久良規此次水患過廣災民過衆必宜先保今年農收方免眉睫之患勢不能專顧一兩大圍從容籌修又以民困之餘專勸民捐必致畏難貽誤暫借帶徵亦恐觀望不前今昔時勢不同故不得不爲此大舉官倡民和合力求之此後遇有修築圍基之事仍應按照定例借欸徵還或籌修最要一兩處方爲經久之法此次工程係屬官民合辦核實支發並未動用正欸其滙紳集捐粵省官紳均係仰體 聖慈救災盡職出於至誠不敢仰邀議敘相應將

修築各圍堤加培丈尺石壩工段籌發官款分列清單並繪具西北兩江水道及此次修築各圍堤恭呈

御覽仰懇 勅部查照免其造冊報銷得 旨該部知道單片圖併發○丙子諭前據綏遠城將軍成

凱奏請酌減大青山後牧地租銀當交戶部議奏茲據奏稱大青山後沙拉禾楞等處地畝確係原定租額過重以致地戶逃棄租銀拖欠請照該將軍等所議將租額酌減等語所有大青山後牧廠租銀著照議減為每畝徵銀二分一釐五毫以紓民力經此次議減之後務須年清年款其舊欠租銀應如何分年帶徵之處著該將軍等體察情形報部核辦從前經徵官員雖無侵挪情弊究屬催徵不力著查取職名交部議處此後經徵各員倘敢仍前玩泄即著照大同朔平二府徵收糧石例議處餘依議○戊寅諭軍機大臣等前有旨將福建巡撫改為臺灣巡撫一切改設事宜令該督撫詳籌議奏臺南北地輿袤延甚遠以形勢而論臺北各海口尤為緊要原議臺灣道一員遠駐臺南深慮難以兼顧且巡撫常川駐紮一切錢穀刑名事宜必須分員管理各專責成應否於臺灣道之外添設臺北道一員著楊昌濬劉銘傳悉心會商妥議具奏澎湖為由閩赴臺要隘扼紮勁旅認真操練方足以資緩急該處地方官若由巡撫管轄節制自更得宜並著詳細議奏其餘未盡事宜該督撫如有所見務當明晰敷陳以備採擇將此由五百里各諭令知之○己卯以長庚為伊犁副都統升秦為駐藏幫辦大臣○庚辰譚鍾麟奏准西甯辦

奉大臣衙門呈稱據京城嵩祝寺扎薩克喇嘛里色特慶轉前山理藩院具奏里色特等師傅章嘉呼圖克圖之呼喇勒罕進京瞻仰 天顏奉 旨允准里色特等於本年九月初五日由京行抵西甯迎請師傅章嘉呼圖克圖之呼喇勒罕於十月初一日起身進京仰瞻 天顏叩謝 天恩先行進呈 皇太后長壽佛一尊哈達一方 皇上長壽佛一尊哈達一方懇祈轉奏前來謹照例將佛尊另裝護匣遞送理藩院代進下所司知之○幸已游百川奏黃水氾濫為患日深我 皇太后 皇上軫念民生 特命張曜為山東巡撫撥帑二百餘萬金資成辦理凡在臣民同深感戴顧 聖前閣邸鈔見該撫疏稱分黃流十分之三入南河故道經營雖繁費苦心先雖歷陳全復故道勢有三難而減水分流妥籌辦法則謂工省費輕有利無害深冀其說之得行乃此次摺內所謂分流者僅指導入徒駭以數十丈之河而斷難容納黃流終恐不免氾濫而該撫不復議及南河者誠以前為 欽派大臣自可統籌南北全局自官東撫以後更有專歸勢難兼轄他省故萬不得已僅就山東施工其分流入南河之策前曾奉 旨交南省督撫會議迄今未見明文致令治河良策寢閣不行誠為可惜也再四思維近年專事隄防此築彼決屢築屢決其不足深恃已可概見而祇用徒駭分水又實不能容納與其為遷就之計但顧目前徒耗數百萬之帑金終歸無濟曷若兼權熟計早為久遠之圖惟有仰懇 天恩仍將該撫所奏分黃流十分之二入

南河故道 命各督撫查照原摺細加體察實在情形既主分流並非壅動大溜全入南河不過就原有之河槽量加挑濬於南民田廬毫無妨礙且建這帶開石壩分水多寡自有限制禦災捍患之計莫要於此臣嘗旁加詢訪咸謂南省輿情亦無不順從伏願 宸謨獨斷飭下南省各督撫實心任事不分畛域會商山東撫臣將分流入故道之策堅意舉行以期帑不虛糜功歸有濟卽堵築不容偏廢而水勢既減隄防亦易爲功此又不待辯而自明者也臣往歲曾奉 命察河不得膜視用是自忘迂拙披瀝上陳

上諭軍機大臣等游百川奏東省河工仍宜兼用張曜初議分流入故道之策一摺據稱該撫前奏分黃流十分之三入南河故道工省費輕有利無害此次摺內所稱分流僅指導入徒駭終虞氾濫請仍飭各該督撫會商堅意舉行等語前經諭令張曜會商曾國荃等將減水分入故道一摺妥議具奏又於七月間寄諭催問迄今尚未奏到黃河北徙三十餘年山大清河奪溜入海現在河身逐漸淤高以致頻年漫溢幾於不可收拾東省數十州縣民不聊生胥肝焦勞隱憂倍切該督撫等皆國家倚任大臣當爲朝廷分憂爲斯民捍患不分畛域力任其艱斷不准因目前受害僅在山東遂任聽屬員等卸責之詞置之度外況故道河身深廣如挑築得宜不致壅溜爲患其分流之利較之徒駭等河不啻倍蓰仍著曾國荃等迅速會同限一月內覆奏毋得畏難推諉致誤大局原摺均著鈔給閱看將此由五百里諭令知之○陝

甘總督譚鍾麟因病乞休不允予假兩月○頒給甘肅張掖平涼禮縣等縣 龍王廟高臺永昌等縣城隍廟匾額○賞給八旗綠步兵丁半月錢糧開散宗室覺羅人等一月錢糧○壬午諭前據譚鍾麟奏參甘肅肅州鎮總兵鄧金華與署右營游擊易順勝互揭一案當將鄧金華解任交該督詳查奏明參辦茲據奏稱鄧金華尙無侵蝕餉銀情事惟以練軍額兵看守糧藥各局及充當雜差需兵至三十餘名與存營之兵牽混提用且將練軍月餉由鎮署領發雖係沿照前任舊規究屬辦理顛預鄧金華著開缺送部引見前肅標右營游擊趙謙士管帶練軍雖因兵變後土著無多馬兵內向有外勇充數惟於前任總兵擅派練兵充當雜差並不阻止其次去老弱又不即時請補實屬含混趙謙士著開缺另補署游擊易順勝查點練兵不敷以所帶勇丁求補與鄧金華意見不合互相齟齬尙屬因公惟性情粗暴言語不遜業經撤任仍著該督等隨時察看餘著照所議辦理兵部知道○命福裕爲西甯辦事大臣○以柳泰和爲甘肅肅州鎮總兵○癸未以直隸黃河防堵出力予道員許鈴身等優敘有差○乙酉世鐸等奏伏查明年正月 皇上親政 皇太后訓政所有應否規復舊制事宜迭據內閣等衙門公摺具奏請 旨臣等亦照前屆條款繕單呈 覽均奉 諭旨發下並面諭臣等將應行酌復舊制或變通辦理及暫緩舉行各事宜公同酌議另擬條款具奏請 旨遵行臣等敬悉心參核逐款開列恭呈 慈覽一本年 皇

上恭謁 東陵大祀 圖臣均奉 特有親詣行禮嗣後 臨雍 耕藉 經筵典禮 御門辦事均擬

請恭候 特旨舉行一中祀畢祀應分別 親詣恭代之處擬照舊制由該衙門按時 題請一恭過

皇太后 皇上萬壽聖節及元旦長至傳臚諸大典一切行禮受賀筵宴各事宜請循照舊制由禮部會

同各衙門 題請一凡遇 召見引 見 皇太后升座 訓政擬請照禮臣會議暫設紗屏爲障一中

外臣工呈遞 皇太后 皇上安摺應請恭照現式預備奏摺亦恭照現式書寫一近年各衙門改歸驗

放驗看開單請 旨及暫停引 見人員擬請循照舊制一律帶領引 見仍恭候 懿旨遵行排單照

現章預備一鄉會試及各項考試題目向例恭候 欽命者擬請循照舊制臣等進呈恭候 慈覽擇定

篇頁請 皇上欽命題目仍進呈 慈覽發下毋庸奏請 派員擬題至各項編譯場題仍由南書房翰

林辦理考試蒙古中書等項仍由臣等照例恭擬編譯題呈進一內外臣工摺奏應行 批示者擬照舊

制均請 硃筆批示恭呈 慈覽發下一武殿試舊制由兵部奏請 皇上親閱考試今擬俟屆期請

旨一兵部奏派查齋大臣舊制分繕清字大牌紅頭綠頭各籤進呈恭候 欽派八旗吹演海螺舊制恭

繕清字大牌奏 聞今擬請暫照現章辦理一句到事宜擬請暫照現章辦理以上各條恭候 皇太后

皇上聖鑒 訓示臣等敬謹遵行並分別行知京外各衙門一體遵照欽奉 慈福端佑康頤昭豫莊

誠皇太后懿旨依議○以潘蔚爲貴州巡撫○頒給江蘇長洲吳縣元和等縣城隍廟匾額○丙戌命工部員外郎端方內閣中書李崇洗孫承鑑吏部員外郎多培發往山東交張曜差遣委用○頒給江蘇寶山縣創築海塘知縣胡仁濟廟匾額○丁亥潘蔚奏清查地畝並全徵各府州縣出力請獎得旨覽奏已悉該撫督率清釐地畝整頓丁糧俾正賦漸臻足額辦事認真洵堪嘉許出力之知府余上華藩以道員在任候補均著照所請獎勵該部知道○已丑以防護直隸東明縣黃河出力予大順廣道張紹章等優敘有差○是月俄羅斯國新簡駐華使臣庫滿抵任

十一月庚寅朔山東嶧縣黃河漫口合祀○譚鈞培奏查明湖北武昌廠稅徵收船料銀兩驟難復額仍請照章儘徵儘解允之○癸巳先是北洋水師提督丁汝昌統帶鐵艦駛赴日本長崎進謁修理水手登岸受侮於巡查遂決鬪斃巡查七名我水兵斃五名傷四十餘名我國派參贊楊樞往長崎相機商辦日本亦派員會審嗣允拏凶究訊員捕而不及撫恤且欲我國亦拏凶審辦相持日久出使大臣徐承祖不得要領因請停審電致李鴻章乞代奏至是奉 上諭李鴻章朔電已悉長崎一案徐承祖與該外部屢議不合諒難在彼完結著照李鴻章所請電飭停審將已審兩造證供全案鈔送來京由總理衙門詳覈仍交李鴻章承辦○安徽壽春鎮總兵郭寶昌乞開缺養親允之仍留統卓勝全軍○追予故烏魯木

齊提督金運昌於陝西建祠戰績交國史館立傳○甲午以韓晉昌爲安徽壽春鎮總兵○內辰諭前據御史謝祖源奏承德府知府嵩林卑劣實蹟劣跡多端請飭查辦並熱河水患甚鉅亟宜認真挑河築壩各摺片當經諭令李鴻章確切查辦茲據查明分晰回奏此項旱河歲修工程著照該督所議嗣後每年仍以三千兩爲度務當嚴定章程涓滴歸公以期經久其應修石壩即著熱河都統籌款奏辦承德府知府嵩林承修旱河未能核實並縱容家丁因案索賄聲名平常著卽行革職以示懲儆熱河都統謙福因嵩林前辦災賑尙有微勞輒以人才登諸薦牘殊屬保舉不實著交部議處○劉錦棠奏准刑部咨議覆新疆辦理命盜案件一摺新疆搶劫盜案暫准就地正法命案罪應凌遲斬絞立決及監候各犯均由該撫等詳細核勘照例擬定罪名專摺奏明請旨俟奉到部覆後將應凌遲斬絞立決及例入實句之犯再行處決等因奉旨依議欽此仰見朝廷欽恤民命明慎用刑之至意臣自應恪遵辦理第新疆地處極邊迥異內地其窒礙難行之處略有二端敬爲皇太后皇上縷晰陳之查例載州縣承審事件定擬招解上司按律改正該督撫均於題咨內據實聲明俟刑部核覆後係州縣官原擬錯誤者卽照部駁改正例按其罪名出入分別議處等情新疆新設州縣事屬草創襄理之人略知例案者多不願游幕萬里之外卽由關內招募刑件大半濫竽充數驗傷填格諸多未諳臣於各屬案件只期供情確實並

不實其爰書概由督同鎮道兼臬司銜詳度案情參諸律例酌擬完結若如部議辦理必由州縣定擬如律則新疆州縣幾無一員可以自全此不能遽照舊制者一也凡罪至凌遲立決皆係決不待時即斬絞例入實句人犯亦屬法無可貸此等亡命死囚久稽囹圄設使瘕癭典憲倖逃倘有疎失逃入鄰境爲害滋深自宜早伸國法然不能不稍爲遲延者纔回等言語不通眞供真情頗不易得繩以照例承審期限勢必不行各屬距省爲遠詳批往返約二三月設有駁詰申覆往返亦需時日情罪既重核轉上司或應親提鞠問長途解犯動輒千數百里追供情審定轉詳到省每結一案速則半年遲則年餘已屬遲之又久若照部議隨時具奏京師距新疆省八千六百餘里奉准部覆去來程限亦須三月有奇再由臣行文犯事地方又需月餘通盤合算處一決不待時之犯總須一年以外此不能遽照舊制者又其一也恭讀嘉慶十二年四月十六日上諭盛駐等奏拿獲圖財害命之回犯審明定擬一摺此案胡特魯克著卽處斬回疆非內地可比嗣後遇有此等案件情節較重者於訊明正兇後卽著立時懲辦毋致久稽顯戮等因欽此如是回疆情形不比內地早在聖明洞鑒之中現雖改設行省而風氣所趨究非旦夕所能更變仰懇天恩俯念新省地處極邊州縣諸凡創始暫准將命案罪應凌遲斬絞立決及斬絞監候例實入句各犯仍照變通章程就地正法按季摘由彙報俟數年後察看情形再行奏請規復舊制

至斬絞監候入緩人犯卽遵照部議辦理專案具奏聽候部覆應行減軍減流卽同尋常遣軍流徒人犯一體南北二路互相調發勻撥地畝以助屯墾得 旨允行○予四川華陽縣節婦葉張氏旌表○丁酉諭京察記名人員將次簡放完竣著內閣部院各衙門於京察一等未經記名各員內遴選才具優長者出具切實考語保送由吏部帶領引見○李鴻章奏本年四月間臣飭北堂教士樊國樑訂立合同五條擬將該教堂移建西什庫地方奏奉 批旨現議辦法尙屬周妥均著照所請行等因欽此樊教士赴羅馬後法國正因教皇遣使來華大相齟齬教皇以京內各堂係巴黎教會產業允飭該會將北堂移讓但云亦須商知法國八月間駐津法領事林椿疊次來署面稱奉法廷電諭咸豐十年續增條約第六款聲明天主教學堂等件應賠償法國駐京大臣轉交該處奉教之人北堂既先由法使轉交必須法國准行非羅馬所能專主臣謂前與該使戈司登議明俟羅馬允定中國當予以禮貌知照駐京公使再奏明請旨以全兩國交誼林椿因將此語轉電法國去後嗣接及約翰羅馬來電法廷致教皇哀的美敦書言羅馬若派全權公使赴華管理教務卽將法羅原訂條約撤毀並將巴黎教會每年薪俸五十萬佛郎概停不發各教士恐絕生路環求教皇暫停遣使是羅馬派使一層祇可暫置不論樊教士來電稱巴黎教會總辦已允准所訂合同惟法廷必要經手若中國不照法國所願辦理我教會甚屬難堪請准回華設

法辦了此事十月十六日樊教士抵津來謁呈出巴黎教會費雅德印函情詞甚爲恭順惟內云乾隆四十七年教皇傳知法國將北堂給與本會咸豐十一年中國又將北堂轉交法國付給本會法國兩次經手求設法使各教士享平靜之益不致另起風波等語樊教士復再三求與法使商議以全法國體面林椿初傳法使恭思當之語頗欲藉端要挾力與駁斥如該使不允我國家卽照教皇教會遵允之據自行酌辦林椿轉致恭思當勸其勿庸阻難致傷和誼請將此事原委敘一照會送給法使頃接該使照覆內稱法國無不依照大皇帝之意辦理並無阻滯遷讓之處措語亦頗得體此事遂已定局謹照鈔巴黎教會總統費雅德來函並與法使恭思當往復照會恭呈御覽合無仰懇聖恩俯准該教士合同所請明降諭旨褒嘉法國使臣及羅馬教會恭順之忱俾遠人咸知觀感至該教會函稱瑣事三條內原允銀兩不敷可否俯賜補助當向樊教士德璫琳等指駁據稱此是過慮之語日後絕不求增臣諭以銀數不減亦斷不准添至西什庫請留通車之路查步軍統領劃給西什庫南邊之地作爲遷蓋教堂之所據德璫琳詢樊教士云較露池口原地稍狹並該處能否通車街南是否有小廟礙其出進擬飭原訂合同之德璫琳赴京偕同該教士前往詳細踏勘由該稅司稟商總理衙門酌奪辦理至購買建堂物料應准照各國洋人運物之例由臣繕給護照行知各關驗放以示體恤至天津三汊河教堂係

望海寺舊址同治九年被津民焚燬僅存高樓一角有礙觀瞻會飭樊教士轉商教會拆讓茲允我改建
兵丁養病院舊堂容再督同地方官籌辦至原合同訂明付西什庫地方時付給銀三分之一現既定議
卽須給地付銀臣與林椿等議明查照舊案由天津稅務司經手分次付給計第一次應付庫平銀十二
萬兩可否 勅下海軍衙門於各省捐款內籌撥由臣派員領回交關轉付嗣後過六箇月付給一次照
案辦理 上諭李鴻章奏蘆池口教堂與教士定議遷移並與駐京公使商定互送照會一摺覽奏均悉
西安門內蘆池口教堂於康熙年間欽奉 諭旨准令起建迄今百數十年該教士等仰戴朝廷怙冒深
仁咸知安靜守法上年修理南海等處工程爲 慈禧端佑康頤昭豫莊誠皇太后幾餘頤養之所西南
附近一帶地勢尙須擴充該處教堂密邇禁苑經李鴻章派英人敦約翰前赴羅馬商酌並令稅務司德
璵琳與教士樊國樑訂約遷移議於西什庫南省地方中界址給資改造該教士復聲明改建之堂以
五丈高爲度比較舊建之樓減低三丈有餘鐘樓亦斷不令高出屋脊議定後樊國樑又赴羅馬告諸教
會總統費雅雅德據覆文歷敘感激中朝優渥保護之忱有激發天真國報萬一等語情詞尤爲肥懇李鴻
章現復與法公使恭思當互相照會亦據覆稱無不依照辦理和協邦交深知大體實堪嘉許此事既據
李鴻章詳細商定均無異詞卽著照所請行其改造經費亦著分期撥給俾資營建餘均照議辦理候補

追恩佑於創辦之初奉委出力著交軍機處記名遇缺題奏主教達里布誠心報効教士樊國樞英人敦約翰連涉重洋不辭勞瘁達里布著賞給二品頂戴樊國樞著賞給三品頂戴敦約翰著賞給三等第一寶星樊國樞敦約翰並著各再加賞銀二千兩由李鴻章發給稅務司德璫琳領事林椿來往通辭始終奮勉德璫琳著賞換二品頂戴林椿著賞給三等第三寶星其餘出力之英商密克等著李鴻章查明奏請獎勵該衙門知道○諭軍機大臣等岑毓英戰陽兩電均悉長山本越地分茅非現界越既攻法豈能勸法弭兵雲南按圖定界由法自請若自我發端彼必狡執越民反復無常計窮走險一經受其迎敵加以撫慰彼情自附華民法使昨至總署謂越之攻海甯由粵主使雖經嚴切辨駁彼意總不釋然職此之故現在惟當守定現界一切接約和平辦理界外法越相攻宜置不問勿得妄加收撫致法藉口儻固執成見激成邊釁定惟該督是問慎之白龍新築礮臺有無其事即電奏○己亥諭岑毓英奏據貴州紳士稟稱已故前任巡撫林肇元在貴州辦理軍務恢復多城全黔賴以肅清由道員升至巡撫善政難以枚舉士氓追念功德莫不感悼可否開復革職處分等語林肇元前經因案斥革原屬咎有應得姑念肅清全黔民心愛戴著加恩准其開復革職處分此係朝廷格外之恩嗣後不得援以為例○以周振邦為浙江溫州鎮總兵○雲南巡撫張凱嵩卒予祭葬○調譚鈞培為雲南巡撫以吳大澂為廣東巡撫○庚子

諭卡察第奏整頓士習請嚴申禁令等語本年五月間湖南沅州府芷江縣童生聚眾鬧考竟有毆傷知府情事業經卡寶第將首從各犯分別正法懲辦近來各直省文武童生往往糾眾滋鬧借事罷考希圖挾制官長士習不端稅法已極恭讀雍正十二年 上諭各省生童有因與地方官爭競齟齬而相率罷考者卽將罷考之人停其考試若合邑合學俱罷考者亦卽全停考試等語 聖訓煌煌自應永遠遵守各省應試生童或尙未徧知著各該省督撫學政恭錄通行曉諭務使士子咸知儆懼安分守法毋得逞忿滋事致罹重辟嗣後如有藉端鬧考等事惟有執法嚴懲決不寬貸將此通諭知之○命烏拉布徐用儀查勘 東西陵工程○癸卯賜禮親王世鐸繼母福晉塔他拉氏祭一壇銀二千兩○乙巳諭徐延旭唐炯趙沃張誠均著加恩免予勾決徐延旭趙沃著發往新疆効力贖罪唐炯著發往雲南交岑毓英差遣効力贖罪張誠著發往臺灣交劉銘傳差遣効力贖罪○命貝勒載澍在內廷行走○丙午以候廷貴爲福建漳州鎮總兵○丁未諭宗人府奏盜犯脫逃請有嚴拿一摺據稱情實較犯徐錫於本月十五日亥時由空事處扭斷鎖鑰脫逃等語徐錫係情實重犯該官兵等宜如何嚴密看守乃事前並不小心防範以致該犯臨決脫逃尙復成何事體且難保無鬆刑賄縱情弊所有是日值班兵丁等著先行送交刑部嚴辦訊究管理空事處之副理事官恩景值班筆帖式常瑞佐領樓興文著一併暫行解任聽候傳

凱並著步軍統領衙門順天府五城御史將徐錫一體嚴拿毋任漏網○命兵部左侍郎曾紀澤在總理衙門行走○以黃河防堵出力予守備錢世福等優敘有差○以張景春爲江蘇蘇松鎮總兵○福建陸路提督唐定奎因病乞休允之以保開華爲福建陸路提督○葉伯英奏陝民當兵後彫殘不堪幸歷任疆臣力圖補救漸有起色前蒙 皇仁軫念黎元 諭飭裁減差徭 臣任藩司時隨同前撫 臣邊寶泉悉心酌議併合前兩次計算所有不下數十萬民因爲之一紓 臣近日巡行并野體察情形非不日有生聚而元氣仍未全復推原其故皆由利未盡興而弊未盡除也夫民樂其利必導之而後行民惡其弊必祛之使勿擾譬醫虛弱剋伐固足以戕其生機補恐亦難速其效也 臣識寡才疏未能想置僅就目前利弊急請從新整飭者約有八條用敢分晰臚舉爲 皇太后 皇上陳之一荒地宜續招墾也民食攸關亦正供所出陝省原報已荒營田民地共計三萬七千餘頃歷年各屬招徠已墾一萬八百餘頃上年酌改章程由省局籌發斗價以期迅速因續墾不多細加查詢知上中地均已領墾 臣今仍飭各屬認真舉辦除腴產仍照舊章招墾外如係礮礮之區再行酌緩升科推行自易並察各屬牧令勤惰分別勸懲總期野無曠土賦稅漸次規復一水利宜亟興修也汎濫之地應事隄防壅塞之區必勸疏濬陝省榆林河久爲榆林水患築隄後出良田一千餘畝 臣上年隨前撫 臣壽欸移飭該鎮道開濬引水以便開種龍洞

渠分潞涇高三醴四縣爲利甚溥歷次籌修惟高陵地居下游尙未能如期受水仍當設法修治華州縣汶河夏間水汎淹沒墾田前飭令極力疏鑿功止及半臣現派防勇協修以竟前工至寶雞之利民省門之通濟等渠均飭各該令籌修其餘委員查勘如何興修者卽行斟酌辦理不必定復古制惟求因利而行預防旱澇一蠶桑宜籌推廣也臣國風所詠始於西北今日之利轉在東南非物土之殊實人事之缺陝省惟漢中一郡向獲此利臣譚鍾麟撫陝時設局勸辦並招募機匠教織綢緞頗有成效嗣因亢旱桑多枯萎臣令籌款續辦並刊發農桑輯要臣國風廣義二書飭各屬會同教佐勸導令民廣植桑株以興蠶績每年以桑之多寡課其殿最必使民樂從事毋令坐失美利一義倉宜慎出易也陝省戶口稀少豐年本可自給惟穀賤傷農貧民實鮮蓋藏臣譚鍾麟撫陝時勸積糧石數十萬適值奇旱全活甚多前撫臣馮馨麟補積八十萬石修倉一千六百餘座臣九年署任查所存僅豆備荒續捐恐增擾累惟小麥不耐久儲逐年出易易滋虧短諭以穀豆更換勿壞成規惜此種者不多未能全易臣今仍飭各屬更換如無穀豆之區准照常平存七出三蓄例辦理以免屢變遇公正殷實紳耆董之不准攤派抑勒不准囤寄民家事竣候查庶弊竇可冀稍清而兜荒乃有所備一人才宜廣教育也關中爲人文淵藪書院造士本足補學校之不及兵旱以後生機日窘寒餒率多逐末而崇儒重道漸不如前臣擬於書院添購書籍加

修廨房以廣稽居已於常課外每月在署內增詩文課一次捐廉發給獎賞並擇候補牧令中長於經學者時時與之講論兼勗以敦品植行之道務望鼓舞奮興爭自濯磨以培文風而端士習一黨眾宜禁種植也陝省種植日久習染益深農怠耕而女休織士失學而工廢業不特此也內而家庭外而朋友小有口角輒吞食自盡大爲世道人心之害前撫臣邊寶泉出示嚴禁並奏明在案惟風氣所趨偷種仍所不免臣擬通飭一體嚴查實成各牧令勸加訓飭曉示利害並以士爲民首於書院課時嚴諭士子不准吸食洋煙致敗品誼又散給各種戒煙良方書帖令四鄉徧告愚氓一律禁止而於農民未種之先一律預爲申禁不許鄉地徇隱查出與違禁奸民照例懲治州縣官倘有奉行不力者亦卽分別撤參奮勉者擇尤獎勵務使惡卉日少嘉禾可冀蓄滋一歲委宜重責成也需餉孔殷抽收本非得已陝省自嚴比較以來收數仍未充裕非盡闢行之少洋票之多也經理不得其人書役家丁互相舞弊在所不免臣今與司道酌議新章遴委必擇幹廉之員收數多者酌給優差少者記過停委書役年久必須更換不准藉口熟手致滋弊端如查有弄文舞弊者立卽拿辦以儆其餘庶人知愧奮懲務可期暢旺商賈不致裹足一保甲宜常整頓也丁口戶業按冊可稽奸究卽無藏身之所陝省北山各處地方遼闊戶口略畧南山則客民棚民遷徙靡定且界連川楚時有紅黑鐵教會各匪匿跡其中幾致防不勝防欲求盜賊戶安非力行

保甲不可。今飭屬認真整頓其編戶稽查互相覺察聞警救護等法悉照定章妥辦賭博爲盜賊之源如有棍徒開場引誘吏役鄉地包庇拘讞訪拿照例嚴辦至著名籤會匪如有犯破獲照章就地懲治惟期杜漸防微良民可以安枕以上各條督耕以成賦濟泉以澤田事舉以佐農備荒以善後課士以崇文去害以易俗理財以裕餉弭盜以安良事皆平易經常原非操切功利蓋誠見夫土曠人稀亟宜休養生息以培根本思欲有所廣益而爲此裨補闕漏之計得旨均著照所請行該撫務當飭屬妥辦以期興利除弊勿復徒託空言該部知道○戊申諭本年各直省辦理秋審人犯經刑部由緩決改情實者四川山東多至五起該督撫並臬司於秋審重犯未能詳審核議著交部查明分別議處嗣後各將軍府尹督撫等務當督同所屬遵照定例酌度案情悉心究辦固不可失之刻覈亦不可惑於救生不救死之說故從輕減總期執法持平無枉無縱以副明慎用刑至意將此通諭知之○諭御史貴賢奏宗人府空室有名無實此次情實校犯徐錫先已逍遙獄外以致開信違嚴請飭嚴定監禁章程等語前因徐錫一犯臨決脫逃降旨飭將值班兵丁等交刑部究辦茲據該御史所奏各節如果屬實殊出情理之外自應確切根究以肅法紀著該部懷遵前旨嚴行審訊以取確供不得稍涉含混該御史所請嚴定監禁章程之處著宗人府會同刑部妥議具奏○諭御史貴賢奏京卿衰病戀棧請旨懲儆一摺太常寺卿邵曰濂本年

春間迭次請假至八十日之多當差已屬怠惰現在將屆恭祀 闕丘典禮最重該京卿又臨期請假實屬性耽安逸曠廢職守仰曰濫著交部嚴加議處○已酉魁斌等奏恭照明年正月 皇上親政等查照成案會議奏請加上 慈福端佑康頤昭豫莊誠景太后徽號於本年八月初五日欽奉 慈福端佑康頤昭豫莊誠景太后慈旨召見軍機大臣 諭以時事多艱止君臣交儆之時所請加上徽號未便俯從皇帝再三籲懇該大臣等復以上遵 成憲下順人心合詞陳請自係出於至誠惟念垂簾聽政惟日孜孜無非仰體 祖宗禘造之艱冀臻中外乂安之治前允諸臣所請俟皇帝親政後再行訓政數年亦惟兢兢以國事爲重爾內外大小臣工務當忠赤爲懷盡心補助俾萬事成登上理克副深宮期望之忱不必以崇上降儀始見尊親之義也該王大臣等所請加上徽號之處著毋庸舉行欽此跪聆之下仰見 皇太后憂勤惕厲崇實政而不尚虛文臣等敬體 謙衷原不敢再行陳請惟帝王之以孝治天下也事大與事親並重故凡遇親政大典皆始於郊壇之躬祀卽繼以徽號之隆儀準諸周頌思齊宋歌嬋昊尊親之誼先後同符今 皇上親政於明年正月舉行而 躬祀 闕丘先於本年冬至爲始是事天之禮既應大備於前則事 親之儀豈容稍闕於後且查十月二十日奏准訓政各事宜凡 召見引見以及考試 命題諸大政莫不秉承 慈訓始見施行 皇上典學方殷一日萬幾猶煩 宵旰斯卽

鴻稱迭管原於 聖量無加然 深宮之謙德彌尊四海之頌忱莫罄恐後之考禮者將謂 皇帝孝思之未達實由臣等數典之多忘爲此合詞再行恭請 皇上俯鑒其情重申前請於 親政後仍照成案加上 慈禧端佑康頤昭豫莊誠皇太后徽號總期竭誠籲懇仰邀 俞旨允行庶我 皇上事天與事 親之盛典永隆於億萬斯年此則 臣等所踴躍歡忭急切待命者也欽奉 慈禧端佑康頤昭豫莊誠皇太后懿旨睿親王魁斌等奏再行恭請加上徽號以光孝治一摺前據土大臣等奏請恭上徽號業經諭令毋庸舉行茲復合詞上陳重申前請皇帝竭誠籲懇再三跪求純孝之忱由中達外深堪嘉悅惟事親之道以實不以文亦與敬天之義相同現在時事艱難上下交儆深宮惕厲宵旰不遑惟願皇帝勤求治理惟日孜孜務使中外乂安君民同樂孝養之道孰大於是內外大小臣工果能仰體愛劬無已之懷力戒因循盡心匡濟俾庶政咸臻上理方見爾等尊崇之實止不在鴻稱迭管徒事虛文也該王大臣等所請加上徽號之處仍著毋庸舉行○欽奉 慈禧端佑康頤昭豫莊誠皇太后懿旨吏部都察院奏總理海軍事務衙門請將御史常明暫留當差查無成案請旨遵行各一摺總理海軍事務衙門創辦伊始一切事宜關係綦重亟需委員經理與各衙門尋常奏留不同御史常明著仍准其暫留當差○頒給直隸平谷縣 城隍廟 龍神廟西寶縣黃花山 龍神廟宣化縣黃羊山 龍神廟匾額○庚戌命

慶愛來京以張聯元爲廣西按察使○頒給順天府屬春賑米五萬石○癸丑以全漕告竣予倉場侍郎
興廉等優敘有差○甲寅調福潤爲山東按察使成允爲湖北按察使○乙卯大祀 天於 圖丘 上
親詣行禮○丁巳諭軍機大臣等雲南邱北縣地震剝隘等處被火騰越被水均經該督撫等查勘撫恤
小民諒可不至失所惟念來春青黃不接之時民力未免拮据著傳諭該督撫等體察情形如有應行接
濟之處卽查明據實覆奏務於封印以前奏到候朕於新正降旨加恩○戊午頒給奉天康平縣 關帝
廟 城隍廟匾額

臣朱壽朋敬編

臣章圭璩恭校

十二月庚申諭軍機大臣等戶部奏撥來年京餉一摺京餉聚案既經戶部就各省關情形酌量動撥自應遵照奏定數目源源報解以應要需該將軍等務於來年開印後分批起解限五月前解到一半十二月初間全數解清不准截留改撥藉詞延誤將此諭令各該將軍督撫監督等知之○諭此次京察一等擬帶圈出各員著自十二月初四日起按照名次先後每日二員於寅刻赴乾清門伺候召見如本日未經召見仍於次日預備俟召見後其次應行召見之員應接續預備其餘各員以次遞推○諭御史慶祥奏宗人府空室處請仿照刑部提牢之例派員專司稽查期滿予以優獎等語著宗人府會同刑部歸入監賢前摺一併妥議具奏○岑毓英奏雲南騰越關隘達土司地方內與南甸千崖等處土司連界外與緬甸之南坎土司接壤本年緬甸南坎一帶官民爭戰未息騰越邊防更形喫重安內攘外布置不敢稍鬆乃有蓋達戶弄樂蠻夷名小胖又名養眼思自稱七司大王輒乘鄰境緬甸未靖潛結各寨蠻夷戶弄眚等聚眾滋事先攻破蓋達夷寨兩處其餘各寨以代辦蓋達土司刀思必治守禦嚴謹該

夷匪復往圍攻南甸千崖所屬夷寨又經南甸土司刀定國千崖土司刀盈廷竭力堵禦土司等一面報由騰越文武稟請發兵剿辦臣以緬甸現值多事之際遠達地方亦係界連外域深慮蔓延爲患他日當卽飛飭署騰越鎮總兵丁槐親帶精兵並授以機宜馳往督同該土司等相機妥辦會將大略情形附片奏明在案茲據該鎮總兵丁槐牒越同知陳宗海稟該總兵到遠達後卽飭南甸千崖兩土司扼要防守一面督飭代辦遠達土司示諭蠻寨曉以利害生死解散脅從俾孤賊勢詎意小胖戶弄吡等仍狡焉思逞於本年十月三十日及十一月初一日竟敢糾同匪黨二千餘人連日出巢對敵並有僧道數十人執香鑪小黃旗陣前作法我軍以其施有邪術未能獲勝初三日該總兵將官軍及各土司兵分作三路並預備糧物親督各軍進剿夷匪膽敢復糾大股賊黨迎敵我軍奮勇痛擊當卽殺斃匪黨一百十餘人賊勢不支由戶弄察敗逃我軍乘勢攻破賈那弄滿二寨卽合軍連夜追剿圍攻戶弄寨寨戰多時又殺斃賊黨數十人奪獲器械旗幟等件無數小胖戶知力不能支卽帶悍匪從放板寨竄匿我軍遂收復戶弄寨初四日追至放板寨四面圍攻夷匪知無路可竄用力死戰我軍用劈山礮轟擊其礮臺圍牆倒缺多處官兵卽由缺口齊進奮擊當將蠻酋小胖戶弄吡等一併陣斬並斬獲匪黨首級二百八十餘顆奪獲器械旗幟不計其數餘匪乞降計官兵先後陣亡把總金朝順李飛龍外委王季標等三弁兵丁七名又

受傷千總鄭茂才一弁兵丁二十餘名此外有無陣亡弁兵容飭逐細查明彙報初五初六兩日附近從賊各寨蠻夷俱悔罪前來投誠該總兵現在會同騰越同知陳宗海妥爲撫綏以靖邊圉等情前來臣伏思緬甸正在危亡之際夷匪小肆輒敢恃有妖術惑衆謀爲不軌大爲邊界巨患今仰賴 聖主威福不數日間即將小醜殲除俾沿邊蠻夷野以咸知震懾 天威實爲地方之福所有善後事宜臣批飭該總兵等妥爲籌辦並飭將陣亡官兵名數確切查覆到日容再另摺奏請 賜卹以慰忠魂至此大出力員弁兵丁可否仰懇 天恩容臣查明擇尤保獎以昭激勵之處出自 鴻施得 旨覽奏勦辦情形尙屬迅速著將善後事宜督飭妥辦以靖邊圉所有出力員弁准其擇尤保獎毋許冒濫餘依議○辛酉以綢宜爲理藩院右侍郎○調恩佑爲鑲藍旗滿洲副都統以續昌爲鑲紅旗漢軍副都統○壬戌劉秉璋奏臣於到任後隨時留心考核其亟宜整頓者已有數端一部章委署州縣之缺定有三班實缺署別缺不得過一成久經通行在案川省委署人員太多又不遵照部章辦理另立章程按名遞署其實缺調署吏逾一成之數辦理實屬紛歧臣現已檄飭著藩司游智開將州縣委署章程遵照吏部奏定頒發之式三班輪遞酌委仍限十日內將調署人員逐加考核擇其實在人地相需酌留十員以符部定一成之數其應回本任者飭回本任其才具不勝本任者調省察看如果實在不勝本任之缺自當隨時奏請開缺不

使濫竽貽誤以肅官常一川省勇營積習太深臣於到任時沿途採訪難保無虛額之事現將壽字六營改委記名提督錢玉興統帶節制長勝武字四營改委記名總兵馬朝選統帶節制安定巡鹽五營改委總兵銜江西補用副將周士盛統帶巡緝務使各營精壯足額訓練純熟以冀通省勇營轉移風氣至綠營積習尤甚於勇營容臣逐漸察看次第整飭固不敢鄰於操切亦不得稍涉因循總期兵皆受練餉不虛糜方足以昭核實川省幅帙三千餘里疆宇寥廓惟邊地盡屬礪瘠不能播種穀麥至於內地則又人稠地過民間開墾除平地外裁及山頂游民甚衆米價日昂民生因之日感地丁津貼捐輸關係正供又爲甘肅黔三省軍餉所出當此需餉孔殷萬難裁減而小民窮蹙尤當加意體恤惟有嚴飭各屬牧令不准浮收勒折一面明查暗訪如有不肖州縣敢於腹削小民脂膏者立予參劾決不姑容仍由臣督率僚屬躬行節儉力挽奢華之習庶幾以儉助廉俾窮困黎民得以漸臻蘇息也川省盜風向來熾盛人心浮動伏莽甚多年來刦獄焚衙之案層見迭出實爲他省所罕見緣營既緩急難恃勇營又分部難周臣現已檄飭藩臬兩司仿照前人保甲之法撰擬簡明章程通飭各屬諭令紳耆認真舉辦富者出貲貧者出力不得虛應故事地方官領其大綱不准胥役從中牽制使各鄉就地稽查務期迅獲匪蹤編聯戶口獲匪者賞隨匪者懲庶可以戢盜風而清盜源一州縣經收正雜各款關係國儲交卸後必須掃數解

清近經戶部案頒章程至詳且備實爲理財第一要務茲查川省未盡遵行往往有交代未清又委署他缺者已檄藩司督飭交代局凡未清交代限一箇月掃數解清如有逾延卽分別奏參撤任停委以示懲儆而重庫款得 旨覽奏已悉所籌各節尙屬切實卽著該督認真整頓以期吏治民生庫儲營伍日有起色○癸亥 上諭 奉先殿 壽皇殿行禮○甲子諭御史文郁奏請嚴禁疆臣奏調京員一摺山東河工關係緊要前據張曜面奏准其隨時調員差遣嗣經該撫先後奏調各員均已降旨允准與尋常奏調不同他省自不得援以爲例嗣後各督撫非因辦理要務需人奏明在先不得率行奏調以符定制○諭兵部奏四川等省武職懸缺過多查福建等省迴避人員久未揀調請旨飭催一摺四川自光緒八年起廣東廣西自光緒九年起歷年所有副將參將遊擊都司守備各缺均積至數十員之多向未擬補前經該部奏僅仍未據各該省照章揀補武職各缺均有整頓營伍之責似此懸缺甚多歷久未補實屬任怠延宕著四川兩廣總督速將扣留未補各缺按照該部例章輪次限三箇月一例揀選合例人員分別奏補嗣後各該省遇有武職缺出一經接准部覆卽行暫時請補毋得遲延至廣東廣西福建應行迴避武職各員久未揀補並著該督迅速揀員對調以符定制該部知道單併發○諭各省實缺人員到省後例應飭赴本任乃近來各該督撫往往將特旨簡放及由部選補各員奏請留省或令暫署別缺並不飭

赴本任殊屬非是實缺人員如到任後人地不宜或別有劣跡該督撫儘可隨時參奏何得因調劑本省人員致特有簡放及部選之人轉不得及時自効殊非所以遵朝命而勵人材嗣後各省督撫於實缺人員到省後卽行飭赴新任不准藉詞留省以符定制○諭兵部奏大員濫用勘合請照例議處一摺前署貴州巡撫李用清因伊妻靈柩回籍濫用勘合雖據聲明夫役等項自備究屬違例濫用李用清著交部照例議處其發勘合之臬司著該部查取職名一併交部照例議處餘依議該部知道○謝祖源奏竊維周髀九數疇人命官攷工五材庶士分職班固志前代藝文於經典外列敘兵書術數方技諸略此皆專門利用之學聖人不廢近世士大夫每囿於見聞語及環球各國交際之通例富強之本計或鄙夷而不屑道夫外洋測算衍自中法制器相材原於攷工營陣東伍乃古者司馬法步伐進退之遺則探五金仿於周禮計人之職測量地輿亦皆人裴秀成法禮失求野豈彼智而我獨愚特中土習爲游談其平日留心講習者良少耳是以欲周知中外之情勢必自游歷始然各國事理與中國不同彼藉游歷以傳教者無論已其他或默計中夷相通道里或私繪山川形勢或者求物產盈虛或測探煤鐵礦苗非空勞跋涉者目爲我之所亟惟在察敵情通洋律諧製造測繪之要習水師陸戰之法講求稅務界務茶葉牧礦諸事宜應請 敕下出使各國大臣隨時分飭參贊隨員游歷境內考核紀載分門講求並督率出洋武

弁學生等學習各項技藝並行以收實效至翰林院大部覈實保薦並咨送總理衙門考核再行奏請發往 上諭
勞志節超邁者可否請 旨勅下翰林院大部覈實保薦並咨送總理衙門考核再行奏請發往 上諭
謝祖源奏時局多艱請廣收奇傑之士游歷外洋一摺著該衙門議奏○王廣榮奏 臣稔聞戶部書吏遇
有出納款項需索私費直成定例但僅曰私費當亦多不過十金甚或數十金數百金耳決不意有膽大
妄爲貪求無厭多至巨萬者乃近聞山東河工需款百萬戶部先發五十萬書吏史恩濤因需索未遂膽
敢延不進署以爲講說私費地步俟私費講明始行給發傳聞此次史恩濤索費竟至一萬兩之多已入
私案現經部 臣覺察交南城坊追比復聞有將原數繳清求免無事之說竊思書吏作奸其未經敗露者
何可勝計今史恩濤既經發覺且逾貫如此之多卽令如數繳清仍當按賊律罪藉儆將來若僅交坊追
比示以薄懲則後此效尤成風其藐法營私更有不可問者矣相應請 旨飭下戶部將史恩濤徑交刑
部確實審訊按律重治庶盡吏略知斂跡弊端或可漸清張炳琳奏恭讀本年九月初九日 上諭張曜
奏籌辦山東黃河估計工程經費一摺著戶部如數指撥的款以資工用等因欽此仰見 皇太后 皇
上軫念災區爲民捍患之至意凡承辦諸臣自應覈核浮冒涓滴歸公乃前日山東委員赴戶部領銀五
十萬兩被戶書史春泉任意勒索每萬兩侵扣二百兩現任戶部侍郎嵩申孫詒經傳史春泉當堂詰問

送交南城坊押追惟盡數使扣鉅帑罪不容誅若僅將侵款追出敷衍了結是罪重罰輕將來相率效尤必更巧取橫索漫無顧忌查各省委員解餉來京必先見史春泉予以重資始能上兌否則多方盤剝故意稽延委員解銀上庫例有定限不得已設法稱貸速求了事其發款勒扣情形大略相似史春泉坐擁厚資廣廈擬於公侯服食逾於顯臣驕縱奢侈莫能盡述此次於河工要款亦敢肆意侵扣則平日目無法紀已可概見若不澈底根究置之重典何以伸國法而快人心相應請旨飭交刑部嚴訊懲辦庶帑項不至侵漁而蠹役亦知儆懼吳兆泰奏查山東連年河患現經撫臣請款興修朝廷軫念河工不惜帑金特發鉅款自應嚴杜侵蝕節慎支銷乃聞山東委員赴戶部請領帑款五十萬兩戶部庫書任意需索勒取多金否則不照庫平發給委員領款回省撫臣張曜以庫書侵扣過多函呈該撫姻親戶部侍郎孫詒經囑其追問該侍郎持函與該部各堂籌商辦法各堂官恐興大獄相率囁忍既不據實奏聞亦不送交刑部訊辦僅將庫書史春泉送南城坊看管飭罰萬金限五日呈繳希圖了事竊思度支出納自有專司憲典森嚴不容輕縱該部堂官當放款之時未能嚴禁需索既經失查於前追該撫函告事已發覺猶復委曲彌縫以罰銀爲消弭之計不知所罰者出自該庫書之私囊乎亦有所扣之帑款乎且不知所罰者因其侵帑而罰乎亦因其有罪而罰乎若果侵帑則所應繳者贓款不得謂之罰款也

若果有罪則當計贓科罪非一罰即可免罪也如謂並無侵扣實據張曜親致之函得非實據乎張曜不肯入奏而以私函婉告之部臣不肯嚴辦而以罰銀彌縫之似此包庇侵漁竟不置之重法何以申法紀而重庫儲相應據實糾參請旨飭下戶部將庫書史春泉及承辦各書吏一併送交刑部審明侵扣確數照例懲辦至戶部堂官因何委曲遷就飭令明白回奏之處伏候聖裁劉綸奏山東省連年被水小民蕩析離居艱苦萬狀飢溺情形時區宵旰皇太后皇上不惜數百萬兩帑項發給該省承修河工所以拯災黎於倒懸薄皇仁於無既凡有血氣咸知感戴該管庫大臣頒發要款宜如何認真稽覈以杜貪冒乃此次東省領銀五十萬兩竟爲該庫書吏史春泉卽史松泉侵吞五萬之多聞者莫不駭怪該大臣孫詒經深知其事卽當請交刑部嚴究乃僅將該吏送坊並許其將吞款吐出卽行釋放臣查該吏勢燄薰灼不自士大夫貪其利者多與交結倘稍事姑息勢必至輾轉請託倖逃法網茲聞該吏並未到坊亦未吐出吞款似此辦理輕縱何以肅紀綱而懲貪婪臣請飭下刑部將書吏史春泉嚴行審訊追出鉅款計贓科罪以爲侵吞正款者戒至該吏積惡已久屢被參劾該大臣等漫無覺查復令承當要差既已失查於前仍復輕縱於後似屬咎有應得請查取職名交部議處以示懲儆上諭御史王廣榮張炳琳奏竊吏侵扣巨帑請飭交部議訊吳兆泰奏書吏侵蝕帑金部臣委曲遷就劉綸奏書吏

侵吞鉅款該管堂官失察輕縱各一摺戶部銀庫吏史恩滿著交刑部嚴行察訊其承辦各書吏著一併交部訊究至劉細興摺內所稱孫詒經深知其事係將該吏送坊許將吞款吐出卽行釋放吳兆泰所稱張曜函致孫詒經囑其追問該侍郎與該部各堂籌商辦法送坊看管飭罰萬金希圖了事等語孫詒經及戶部各堂官著明白回奏○江南提督李朝斌因病乞休允之以譚碧理爲江南提督○乙丑會國荃等奏准軍機大臣字寄光緒十二年十月二十二日奉 上諭游百川奏東省河工仍宜兼用張曜初議分流入故道之策一摺等因欽此跪聆之下感悚交深遵卽恭錄分別咨行伏查前者兩次欽奉 上諭飭查分黃流十分之三入南河故道等督飭淮揚徐州兩道逐細查勘仍卽徧爲諮訪體察情形委係費鉅工艱粹難興辦當經咨達東河總督臣山東河南各巡撫臣公商定議嗣准東河總督臣成孚河南巡撫臣邊寶泉會咨亦稱省臺礙難行臣等恭閱邸鈔東省河道已經撫臣張曜按現在情形估計工程經費奏請興辦自係因黃水分流關係重大不得不別籌辦法以衛民生茲奉 上諭限一月內覆奏若符各省內商竊恐有違 欽限謹將江北黃河情形爲我 皇太后 皇上詳細陳之查江北淮徐海三府州鵲河共長九百餘里黃流北徙三十餘年楊莊以上沙積淤墊高低不一除屯田而外間有窮民耕植兼有積淤之區商設誌橋無存無以考證淤墊已久無復河形衆論竝同一望可見楊莊以下

雖有疏濬小河既狹且淺係爲大汛分洩中運河沂泗來源冬春水涸卽成平陸雪梯關以下至海口之外沙淤愈遠且被海潮頂衝沙性堅結此舊河湮廢之大概情形也南岸舊堤共長十六萬六千餘丈北岸舊堤共長十四萬四千二百餘丈失修三十餘年潰塌單薄殘缺不堪問有外雖可觀而窺鼠窟穴根脚空虛加以車輿之時親王僧格林沁飭將豐縣碭山境內切去坦坡以禦搶匪以及民間防檢就堤築圩剷斷堤身所在多有兵夫堡房偶存基址土牛護棚毀折殆盡各段有工處所丈尺間可指認碎石均已酥朽其餘遙堤格堤撐堤月堤更形圯廢此舊堤坍塌之大概情形也山東撫臣張曜奏辦工程摺稱每人每日至多出土一方向係專指挑河而言若堤工更須層層碾一方之土折實卽不足一方以數百里舊河挑濬築堤卽土方一項已屬不資之費而右料柴掃又皆事所必需且治河必兼顧水道農田清江以上之楊莊中運河口及南岸順清河口本爲淮黃交匯之區倘盛漲之際黃水衝入運口則運道必壞停淤漫溢則民田受災欲行黃水分流之新法宜復蓄清敵黃之舊工則順清河必須堵閉禦黃壩攔清河及運口頭二等壩必須復建加修塘河必須挑挖以期操縱得宜漕賦無損不特此也洪澤湖昔由清江以上入運自禮河壩散放以來遂致由高寶入江者多由清口入運者少清江以下惟恃沂泗諸水爲來源今以黃水橫互於中沂泗諸水必爲之挾以入海恐水少之時清江以下難免乾涸則當於禮

河壩堅築石工並挑各引河使湖水仍由運河南行以通水利修復堰阡智信等壩以洩湖漲此外如楊莊之頭二三壩所以防黃強運弱倒灌中河也半路流滾壩所以防中河盈滿而資宣洩也雙金關復改單孔所以備春季水涸收束濟漕也黃水南下雖止三分而修防之工從無一日可缺日後之利病未能逆觀實不敢謂工省費輕有利無害至沿河墾種之戶大抵貧乏不能自存身負私墾之罪卽加之驅逐而何辭然不盜不梟尙爲善類限以遷徙追以饑寒其無乃非 朝廷德意乎游百川原摺所稱詢訪南省輿情亦無不順誠非虛語從前南河繁費中於天下衣食其中者無慮千萬人故老猶能言之現在工項無多事事節省有餉之兵尙不宿飽忽聞黃水將歸固宜衆情盼望但大工之興用人必多工竣則用人亦少今之捨業趨工之人卽他日離工失業之人蚩蚩之氓有何遠慮更不知今日卽辦大工亦斷不能如從前之浮費使之各鑿所欲也凡此情形 臣等體訪甚確萬不敢據拾屬員鈔賁之詞欺罔 聖聽然使銅瓦廂果能分流豫省舊河果能順流南下江北屬在下游無論如何爲難自當預爲查估今豫省既已離行江北自無須議辦抑 臣等更有陳者黃河以十分之水注於東省漕船猶須候汛以渡今以三分入南河竊恐伏秋爲災則有餘春令濟漕則不足此又 臣等愚慮所及未敢輕定者也成乎奏竊 臣等

欽奉 上諭游百川奏東省河工仍宜兼用張曜初議分流入故道之策等因欽此查山東撫 臣張曜前

經奉 命查勘山東黃河情形酌擬辦法案內據轉全河挽歸故道勢實難行若減分黃流十分之三歸入故道足以容納惟蘭儀縣乾河口必須橫築大堤緊接兩岸中間建造帶閘分堤分水多寡庶有限制等語奏奉 諭旨飭令該撫會商曾國荃妥議具奏等因欽此 遵卽分別委員分赴乾河南北兩岸東自蘭儀縣乾河口南至河南虞城縣北至山東曹縣各處界上會同沿河各州縣逐段詳細履勘去後旋據稟稱勘河兩岸堤工南岸虞城商邱二縣境內殘缺不全者約計長四千一百二十餘丈北岸之考城以至曹縣約計二百六七十里所有堤段或衝刷殘缺或築基剝斷南面堤壩悉如峭壁均應遵律加築高厚餘雖尙存舊址亦須隨宜修補至河身沙淤計睢州蘭儀境內共有二十六段牽長約共三千二百餘丈此外河身間有沙積寬長不等但多係飛沙隨風聚散遷徙靡定以上二項工程浩大款實匪輕爾河槽內雖蘆舍無多而切近老灘以上皆有居民若僅引河嚮道東趨深恐河溜變遷仍不免氾濫爲害至於蘭儀縣乾河口建築帶閘石壩亦經會集詳勘挑挖試驗挖至七八尺以下卽係沙水相間無從得底而建築閘壩惟恐根基難立是建閘分流之能否有利無害實不敢輕擬懸定等情稟經 臣等復飭司道等悉心籌議旋據會議詳稱所有修復兩岸堤工挑濬上下河道遷徙河灘居民其辦理難易情形姑勿具論而以引水分流建築閘堤實爲第一緊要關鑊現經詳加體察其窒礙難行之處約有數端查黃

河北徙已歷三十餘年今以數十丈之分河而欲導之分溜南行恐黃水之性未必卽受約束且查乾河口門之南有積年沙灘挺峙現高水面二丈餘尺至三丈餘尺於此挑挖引河能否有成殊難逆計其窒礙難行者一也黃河挾沙而行溜緩則淤溜急則亦淤假使引河挖成而竟能分溜無論其歸入故道以後溜行能否通暢河勢有無變遷卽此導入引河之溜儼或溜行滿滯難禁其不旋踵而淤若果不致淤閉而順勢南趨以衝突無定之河萬一聖勅全溜建瓴而下則下游之受害又何堪設想其窒礙難行者二也黃河兩岸靠堤築壩僅就上游尙且潰塌往往無所底止今攔河建立閘壩卽使土性堅凝修築穩固而河溜奔騰無壘弗破一經撞擊難免塌陷水中既無從施工而石質橫梗於中河勢愈激愈怒又不知作何變態其窒礙難行者三也豫省沿河一帶本屬土性沙鬆而乾河口門舊日河溜經行之處或係層淤層沙挑挖深至數丈仍難得底或挑至數尺以下卽係沙水相間人夫不能站立建築閘壩卽無可憑之基則事難規始何以圖終縱令竭力經營恐亦毫無把握其窒礙難行者四也而況下游堤岸殘缺卑薄應修段落過多河道淤墊沙積應挑地段甚長灘內民田廬舍地近河身必須設法遷移尤非易司道等反覆推求事關全局不敢不據實直陳等情詳請核辦前來查乾河情形前經臣成孚先於五月間由濟旋豫順道沿河履勘核與該司道等所稟無異並親詣乾河口門逐加詳勘建閘處所河勢趨向

無定疏導爲艱關有定所而溜徙靡常殊難得吸引之勢況積沙成堆高下懸殊挑挖導引施工亦屬不易並將開基挖槽試驗深未及丈卽已見水淤沙深厚之中而欲堅立根基恐難期有成效且分流一層僅分漫水則於事無濟偏分正溜又恐舉動全河建瓴下注溝槽設或不能容納勢將衝突旁趨爲患何可勝言當與臣寶泉一再商榷詳加覆核該司道等所稟委係實在情形事關重大自應恪遵 諭旨再三詳審以期有利無害前於七月間業將窒礙情形會咨山東撫臣張曜會便奏覆去後尚未接准咨覆並奉 諭旨飭該前因適臣寶泉因伍區途經馳赴睢甯閱考各縣乾河一帶暨河八廟口門親歷勘勘悉與臣成孚所勘相同再三籌議意見亦復相合應將乾河上游情形先行覆奏以免稽延竊維臣等仰邀 殊恩膺是鉅任當爲 國家籌經久之圖豈敢爲一時遷就之計前項工程如果有利無害自應殫竭圖維力任其難何敢任聽屬員卸責之辭畏難推諉致誤大局第分流之策當先於上游建閘創其基再議於下游堤防束其勢築壩則壑礙既多分流更毫無把握黃河天險豈有倖其不奪溜而姑爲嘗試之理更曷敢聽其奪溜而致貽誤之患萬一全河奔騰下注區區閘壩勢難抵禦往來未有不潰決而塌陷者是名爲三分實不可不作十分準備工程既繁需款過鉅現就以上應辦各工約略估計已非千萬金不能辦若隄防一切處處完繕其數有難以數計者且前項築壩減水縱使勉力圖成溜僅三分入故

七分留東是東省之河患未必遽形輕減而江懷之河防不免因而轉增通盤籌畫似亦非宜臣等統籌全局至再計議不敢不將窒礙情形據實瀝陳張曜奏臣於本年十月二十二日欽奉寄諭游百川奏東省河工仍宜兼用張曜初議分流入故道之策一摺據稱該撫前奏分黃流十分之三入南河故道工省費輕有利無害此次摺內所稱分流僅指導入徒駭終虞汜濫請仍飭各該撫會商堅意舉行等語前經諭令張曜會商曾國荃等將減水分入故道一摺妥議具奏又於七月間寄諭催問迄今尚未奏到黃河北徙三十餘年由大清河奪溜入海現在河身逐漸淤高以致頻年漫溢幾於不可收拾東省數十州縣民不聊生宵旰焦勞殷憂倍切該督撫等皆國家倚任大臣當為朝廷分憂為斯民捍患不分畛域力任其艱斷不准因目前受害僅在山東遂任聽屬員等卸責之辭擅之度外況故道河身深廣如挑築得宜不致掣溜為患其分流之利較之徒駭等河不啻倍徙仍著曾國荃等迅速會同限一月內覆奏毋得畏難推諉致誤大局原摺均著鈔給閱看將此由五百里各諭令知之欽此仰見朝廷屢念東省河患救災拯溺之至意伏查前奉諭旨飭將減水分入南河故道會商妥議等因欽遵咨會兩江督臣曾國荃漕臣盧士杰河臣成孚江蘇撫臣崧駿河南撫臣邊寶泉商酌辦理旋准盧士杰咨據徐州淮海兩道查勘南河故道情形又准成孚邊寶泉會咨據河南司道委員查勘豫境河道情形先後咨覆到臣當

以東省被水災黎盼賑急切惟有先將應辦工程極力籌計勉圖補救至分流一事誠如 聖諭故道河身深廣較之徒駭等河不啻倍蓰茲查該督撫 臣原咨內稱乾河老灘以上居民遷移非易是該司道委員未見山東沿河居民被災之情形也瀛河地方連年被淹村莊計有十六萬餘家至今浸於水中者尙有三萬餘家遷徙無地賑撫爲難所稱老灘乃黃河南行之時積有之灘其居民本可無須遷移惟官路通衢穿河而過爲行旅所往來河灘中間有茅屋飯店如江南楊莊以及上游各段統計一千二百三十餘家兩岸空曠儘可移居較之東省被水村田廬墓輕重難易何止百倍原咨稱江南楊莊以下小河淺狹難容雲梯關入海之處淤沙堅結是該司道委員未見山東近年海口之淺阻也東省黃河由利津縣之鐵門關入海今鐵門關以下一片淤灘連年籌計疏挖人力幾窮每至冬令海口先凍以致淤墊愈速海口之淤由黃水與海潮相擊黃水每爲海潮頂托是以日久必淤雲梯關三十年無黃水入海海潮逐漸內刷較之往昔已刷進六十餘里是雲梯關與鐵門相提並論難易判然原咨內稱堤身多已殘缺剝斷各處地是人非不能冀民修補普律增培工程太實是該司道委員未見山東堤埝之卑薄也東省民埝卑薄姑弗具論卽附近高僅一丈頂寬二丈底寬八尺兩岸被水衝刷在在殘缺現在修培堤埝加添埝塼不但積料轉運於數百里以外堤埝大堤幾無乾土可取較之江南數百年之舊堤頂寬四五丈底

寬一二十丈高亦倍之卽有剝斷之處以及獲洞鼠穴取土既易培補不難較之山東堤埝工程難易判然原咨內稱蘭儀乾河口至沙灘高二三丈挑挖引河誠難逆料等語查乾河積沙高處計有十里以下皆平窪河灘並非全河如此原咨內稱蘭儀乾河口地方建道帶開石壩七八尺以下水沙相閑恐難立壩基等語嘗見長江地方多有傍岸水中排立椿木上造層樓者今乾河口建造開壩自應排釘椿木築立基址該處地近山東此項開壩工程卽歸於東省辦理原咨內稱分流緩則停淤急則壅溜且恐不止三分等語查河口既有開壩敞開在人多寡有數斷無壅溜之患至於停淤一事臣籌計至再黃河挾沙而行斷無下淤之理既有開壩五年以後卽可開挑挖一次較之水底淤難易迥別原咨內河流既分須顧運道籌制所有開壩引河瀦塘一切全行修復鉅款難籌等語查山東運河自黃流北徙受病日深糧船由陶城堡以至臨清此二百里間年淤年高隄防屢決而清江運河開壩俱在瀦塘濟運成法可循惟修整之工勢所不免太僕寺卿延茂奏有泰山之陰南高北低愈淤則北愈下設一旦奪運河而趨天津合之直隸七十餘水同一尾閘倒灌之患不堪設想該少卿所慮極爲中肯臣恐東省河淤日高水勢就下非北趨直隸則南循故道爲害何可勝言修理南河一事不但爲山東計兼爲江徽計尤爲畿輔計也竊思人臣謀國當爲久遠之計未可憚目前之難臣愚見所及不敢不據實上陳其所以爲難者

當此帑藏支絀籌計經費非旦夕所能集事如江蘇河南山東各於所轄地段將應辦工程撙節估計經費次第籌辦於事可期有濟也現又咨會各督撫並再加詳查籌議具陳著待往返咨商誠恐復奏過遲上繫宸衷欽奉 慈禧端佑康頤昭豫莊誠皇太后懿旨曾國荃等奏查勘江北舊黃河情形成字奏官勘乾河上游情形張曜奏籌議分疏河南故道各一摺著軍機大臣會同戶部妥議具奏醇親王著一併與議上年延茂奏黃水宜挽歸故道並此次游百川奏宜用分流原議各一摺均著發給閱看○以山東德明縣姚家口堤工合龍予巡撫張曜等獎敘有差○內寅諭有人奏編修林壬品行卑污去年簡放山西考官有賁人逼索款項交坊看押始得成行今年差竣到京現又聞其回籍並未告假等語所奏是否屬實著麟書徐桐確切查明據實具奏無稍徇隱原摺著鈔給閱看將此諭令知之○予已故大學士文煜於江蘇揚州建祠○戊辰 上詣 大高殿拈香○己巳諭御史魏邁劾奏薛福辰玩視大典請旨嚴議一摺玉粒納倉與 壇廟大典不同且邵曰漕艘管係因久曠職守該御史參劾府尹薛福辰臨期不到輒請轎邵曰漕情節有加深文周內措詞已屬失當所請以太醫院官改用尤屬臆大妄言不可不予以懲儆以杜攻訐之漸魏邁劾著交部議處玉粒納倉向係兼尹府尹聯銜具題屆期躬詣太常寺交收此次薛福辰因何臨期不到畢道達曾否前往均著明白回奏○譚鍾麟奏直隸署中衛縣知

縣匪黨之稟稱十月初間訪聞距縣城二百里南山水崖地方有匪徒嘯聚滋尋卽率同中衛協所汛把總張得勝攜帶兵役星馳前往寧安堡見居民紛紛遷徙據稟寧巡檢崔澍面稱距堡七十里之滴水崖盤踞匪徒多名謀爲不軌派差往探至茶坊廟盤獲逃出夥匪馬伏一名據稱匪首趙卬仙卽趙進才又名趙良才糾黨數百人在滴水崖約定初三夜攻寧安堡舉火爲號當卽會同堡紳嚴密巡查至三更果有匪徒在上橋草場放火經武生殷建光瞥見往拿賊卽逃走是夜雪大火亦遂滅等情該令因事勢危急不容稍緩發稟後卽傳集附近各堡團練挑選壯丁僱馬百餘匹知會石空堡守備匡延年率兵會剿卽報卽派參將劉可舜督帶馬隊兼程前赴寧安堡寧夏總兵馮南斌與寧夏道福裕寧夏府知府黃自元各派兵役前往協剿旋據匪翼之飛稟初五日督同團紳遊擊張新銘把總張得勝分三路進攻初六日卯刻齊抵滴水崖隨擣賊巢喝令棄械來投者免罪該匪等踞山抗拒鎗石齊下張新銘張得勝率團丁兵役奮力登山鎗矛並舉該匪等見勢不支紛紛潰逃匪翼之飭張新銘等跟蹤追捕將匪首趙卬仙鎗斃馬隊圍取首級並擒獲要匪張永邦卽小張山王恩美任積堂並王萬順等二十餘名搜獲偽印一顆僞示多張旗幟刀鎗火藥令箭等件匪翼之捐糜數百兩賞給團丁傳諭堡民各安生業將各犯押解回縣飭藩臬兩司派知府胡季駿前往會同該令提犯研訊據張邦供請逮縣人光緒九年

九月間小的由海城取羊運往寶夏大壩過趙神仙與小的閒談他說在邵剛堡開設貨店叫小的同做生意小的隨他到邵剛堡趙神仙粉房與小的合夥趙神仙當說九龍山大王要他保駕封他爲西烈王與小的同享富貴平日說人休咎有驗故人稱他爲神仙他說有紙人紙馬可以打仗紙符喫了可以耐飢九龍山有一和尚給他告示稿凡遇世人將此紙唸一遍便歸信他小的見他這告示確有幾分靈驗亦能信服適謀爲之事從去年五月間趙神仙由邵剛堡到吳忠堡去了多日回時小的說他招有五六百人約定十月間在金積堡起事到九月底風聲漸大趙神仙於十月初三日逃回禹王城去小的於初六日逃到海城柳樹灣次年四月間趙神仙同蔣興長由陝西來柳樹灣說從山西來帶來多少人馬在後要反甘肅九月間趙神仙來調小的說在滴水崖石洞起事牛頭山有五百人靈山寺有五百人羅山有五百人青石峽有五百馬隊著小的統帶小的信以爲真到散壩浪與任積堂同到滴水崖見了趙神仙便說這所地方是王恩美引來的小的問各山人馬何在趙神仙回答事成自有各路兵馬接應小的問山上衆人都說趙神仙沿路詭說滴水崖有銀坑可以開挖各帶矛棒以防野獸衆人跟從上山王恩美採辦糧食各處約人任積堂製辦旗幟令箭等物約定十月初三夜攻寶安堡先遣一人赴堡外舉火爲號至四更不見火起風雲甚大衆多逃散小的與王恩美任積堂等仍隨趙神仙退回滴水崖不料官

兵猝至抵敵不住分逃被獲等供質之王恩美任積堂各供相同據胡平駿等錄供稟覆前來臣查趙神仙卽趙進才係平遠萬王城人平日游蕩怪誕不經上年在邵剛堡布散謠言煽惑愚民經地方官嚴拿潛逃膽敢復至滴水崖聚眾滋事偏示悖逆不通實屬罪大惡極經該縣匡翼之捕獲爲首當令懸桿邵剛堡地方示衆從犯張永邦王恩美任積堂甘心從逆卽行正法傳首犯事地方以昭炯戒其他王萬順等二十餘名均係被其誘脅情尙可原分別監禁鎖繫加杖遞籍保釋並飭劉可舜會同該處防練各營過山搜拿餘匪以絕根株示諭被誘愚民悔過自新不究已往俾安反側現據各營稟報民心大定安堵如常查此案事起倉猝匡翼之等糾變迅速惡恩優獎以示鼓勵上諭譚鍾麟奏拿辦謀逆首犯請將出力人員獎勵一摺甘肅中衛縣滴水崖地方有匪首趙神仙卽趙進才膽敢糾集黨與約期起事謀爲不軌著知縣匡翼之訪聞發覺後當卽傳集紳團剋期會剿譚鍾麟復派撥官軍協同追捕迅將該匪首殄滅並拿獲夥犯多名分別正法懲辦此案事起倉猝該地方文武臨機應變殄擒要犯俾燎原之勢立就撲滅自應破格優獎以示鼓勵匡翼之著免補知縣以直隸州知州留於甘肅儘先補用團紳遊擊張新銘著以參將儘先補用把總張得勝著以千總儘先補用仍著該督檄飭該營縣擒拿餘匪務獲究辦毋任漏網餘著照所議辦理該部知道○庚午欽奉 慈禧端佑康頤昭豫莊誠皇太后懿旨嗣後

莊順皇貴妃忌辰並清明中元冬至諸宗人府照例請派致祭如過皇帝恭謁西陵禮成後並親詣行

禮○諭御史金壽松奏芷江童生鬧考之案知府辦理不善一摺湖南芷江縣童生聚眾滋鬧從嚴懲辦前經特降諭旨通行曉諭正是辟以止辟之議各省縣府試例應分別棄取本不准濫送院試知府鄧天符認真錄取辦理並無不合若如該御史所稱於童生擁眾求補從權暫允未始不可息事是畏事敷衍適長刁風近來各省鬧考之案層見迭出正由於此至引髮捻紅衅等語尤不成語該御史以愛惜士類爲名實則縱奸廢法不知政體著傳旨中飭原摺擲還○諭薛福辰遵旨明白回奏一摺據禮部知照本年十月初二日辰時玉粒納倉卽於黎明詣先農壇會同交收惟衙署相距較遠辰次始行趕到等語薛福辰於玉粒納倉既非臨期不到亦尚未逾選定時刻卽著毋庸置議○辛未諭前據御史魏邁勦奏參編修林壬品行卑污回籍未經告假等款當經諭令麟書徐桐確查具奏茲據查明奏稱林壬去年簡放山西考官有賈人干姓索取參價尼欠在館寓吵鬧送坊管押旋即放回原參應是傳聞之訛惟未經告假於十月二十三日私行出京請旨懲處等語林壬著交部議處以爲擅離職守者戒○諭劉銘傳奏督兵剿辦中北兩路生番請旨將出力員弁獎勵一摺覽奏均悉臺灣中路叛番經劉銘傳於本年九月間督率各軍開路搭橋卽進剿先後將各番社攻破所蘇費等七社均已悔罪乞降旋經該撫商

同林維源進剿北路叛番示以兵威曰阿歪等處生番二十餘社亦均歸化劉銘傳籌辦剿撫深合機宜著交部從優議敘在事兵弁奮勦出力亦應量予獎勵提督吳宏洛著賞穿黃馬褂道員林朝棟著賞給二品頂戴提督李定明著賞給頭品頂戴朱煥明等均著賞給正一品封典副將萬國本著以總兵記名簡放並賞給壯勇巴圖魯名號縣丞洪鵬等均著以知縣不論雙單月歸部選用知縣郭名昌著仍以知縣歸部選用並加同知銜通判蔡嘉穀著俟補缺後以同知用擬保巡檢陸陳謙等均著以縣丞歸福建候補軍功劉加輝著以千總補用並賞給守備銜巡檢蔡煥辛著賞帶藍翎陣亡之副將鍾玉鑄劉照章都司李春山守備劉得勝千總陳寶卿向斌廷把總林相均著交部從優議卹餘著照所議辦理該部知道○以李培榮爲甘肅肅州鎮總兵○壬申頒給山東益都縣 龍神廟冠縣 城隍廟匾額○癸酉通政使周家楣卒予祭葬政績交國史館立傳○以高鵬爲順天府府尹○戶部奏准內閣鈔出山西巡撫剛毅奏稱盤金公費請實用實銷不得過二成限制一摺奉 旨令臣部議奏臣等伏查上年八月前署撫臣奎斌二次奏請加增盤金公費經臣部議定督省盤捐如收數在十八萬至二十一萬兩以上者准其於舊章一成外提銀一萬兩作爲外銷公用如收數在十七萬兩左右仍照舊章提用一成不准多支並聲敘因收數多而明提公費非無故更易舊章等因奏准行知在案是臣部於該省盤金公費固已因

時變通權衡至當今該撫奏稱部議公費不敷支銷復以實用實銷不過二成爲請等悉心酌覈此項公費有不可再議加增者查咸豐同治年間該省釐捐多亦不過十六七萬兩向提公費一成何以足敷開支並未奏請加增前次部議加提公費摺內議及收數在十七萬兩左右止准提用一成者原以明示限制俾無流弊若如該撫所奏陝西釐金公費准提一成五釐皆省收數如在十七萬左右卽比較陝省成數提用不敷仍鉅擬請實用實銷等語是預爲徵收短絀多開公費地步查該省釐捐自前撫整頓以後九十兩年收數均在二十萬兩上下按部議於舊章一成外准提一萬兩數計已折合一成五釐之數況該省藥釐現已奏加經該撫益加整頓委任得人嗣後釐捐當比九十兩年情形暢旺收數尤多公費亦隨之而增且一成之外又准提一萬兩則公費更見有贏無絀部職司度支凡當用之財從未吝惜前因該省釐捐收數日有起色議增公費若整頓以後復慮及將來收數短絀預請照多收之數加提公費臣部實礙難議准相應請 旨飭下山西巡撫仍遵部上年八月奏定章程辦理毋庸再議更張以示限制得 旨如所議行○甲戌賞給西城寶善堂煮賑米石○乙亥雪○諭御史瑞霖奏請於城內添設練勇局一摺稽查巡緝本係步軍統領衙門專責若如所奏竊盜肆行尙復成何事體著步軍統領等督飭將弁實力稽查認真巡緝不准稍有懈弛以期除莠安良該御史所請添設練勇局之處事涉紛更

著毋庸議○丙子以張捷壽爲湖南岳州鎮總兵○丁丑 上詣 大高殿報謝○戊寅 上詣 北海

永安寺拈香○准故伊犁將軍金順建祠戰蹟交國史館立傳○以寶昌爲內閣學士○己卯張之洞

奏 臣於上年承准軍機大臣字寄光緒十一年三月十九日 上諭有人奏廣東頓遭水患皆由土壩占

築圍壩牟利所致現聞順德縣人胡玉林卽胡傳盛串通劣紳羅家言賄託香山縣知縣蕭炳勳領批圈

築大南沙田數百頃迫各業戶赴沙踏勘胡玉林膽敢率眾放鎗幾釀巨案請飭查辦等語私築圍壩壅

塞水道例禁甚嚴若如所奏胡玉林等串築武斷漁利殃民實屬罔聞之害著張之洞倪文蔚按照所奏

各節澈底查辦據實覆奏等因欽此當經行司委員澈底查辦並擬封職何泰英陳言羣職員胡祖彝等

以胡玉林霸佔勒收畧人黃玉書以何泰英逞勢故害等情先後具控經候補知府金桂馨前赴順德大

南沙勘訊明白因兩造纏訟不休復經札委前署督糧道李壽親赴該沙會勘稟覆飭催廣州府知府孫

楫提訊斷結嗣據該府以飭縣查明各情兩道延不到案申覆正在催提間本年十月內據在籍戶部候

補主事羅家勳翰林院編修黃玉堂及官紳舉貢等八十九人聯名呈控何崇光之胞姪何祖榮兄弟倚

恃侍御之勢包匪挖毀傷害農田毆辱約紳等情監生何祖榮訴詞亦許護沙約諸紳謂因築築大南沙

圍挾嫌誣控復據黃玉書等呈控何泰英串同姻親陳言羣等糾黨串唆恃符賄索密囑其子哀壽等語

復委署督糧道閻希范親赴順德督同兩司委員知府萬方輝知縣陳瀛澤順德縣知縣魏傳熙香山縣知縣張文翰等一併查訊飭司覆核茲據廣東按察使于蔭霖會同廣東布政使高崇基署督糧道閻希范詳稱查大南沙築圍被參一案如原奏內稱胡玉林等串賄築濬利殃民各節查大南沙築圍係舉人黃玉書倡首有香山縣原稟及各控案可證胡玉林雖亦在事不能主持並非倡築原奏內謂築圍阻塞水道一節查圍多方能阻水不能歸咎於大南沙一圍勘明該沙西南有光緒四年麥汝良等所築之罽步圍西面有光緒三年胡承勛所築之牛角圍北面有光緒七年何泰英所築之浮墟圍皆與大南沙毗連黃玉書等議築係仿效三圍辦理又原奏內稱每畝勒收圍底銀二兩餘每畝扣實田八釐及串紳羅家言賄通香山縣蕭炳堃批准一節查黃玉書等築大南沙議每畝收圍底工費銀二兩六錢五分扣陽浦佔田六釐亦均係沿襲三圍舊規絲毫無異黃玉書等沿案請築蕭炳堃沿案批准似無須羅家言從中賄通又原奏內稱圍築大南沙田數百頃並未向各業戶商允追業戶赴沙踏勘胡玉林放鎗拒逐幾釀巨案一節查大南沙共有潮田三百餘頃現經黃玉書等圍築者僅七十餘頃只及四分之一此次稟築大南沙圍已據黃玉書黏呈各業戶簽名知單三紙計共百八十九戶又經護沙分約出長江通知並無一人到約說及不願築圍是未向業戶商允一層實無所據雖有陳言羣胡祖彝等辨訟皆係有爲

而爲不允既非公論阻築亦非實情當園工將竣時何泰英雇糧民數十人連船駛至大南沙欲將該園挖毀值園上工作人衆以致彼此口角爭鬧並非出自業戶亦無放鎗拒逐情事至原奏所稱築園牟利先許劣紳出稟謝資若干分溢田若干酬袍金若干謂之掛銅鍾乾食面等項名目一節查此等陋習從前築習步牛角浮墟三園均所不免亦不獨築大南沙爲然此查明大南沙築園一案並無阻水串賄放鎗拒逐之實在情形也又查何泰英等夥同其戚陳言羣等與黃玉書迭次互控一案何泰英等呈一則謂沙棍倚豪霸築斂傷稅業再則謂築園將使肥田變瘠三則謂攬抽園底溢田徒飽棍徒慾壑獨不思該封職倡築浮墟沙園九十餘頃其事甫逾五年其地僅隔一涌大南之築皆由浮墟作俑何以已所曾爲之事視顏責人前經在廣州府呈遞和息又行復控謂黃玉書不遵照合約割田補價等語經該道調閱合約尾係陳言羣之子附貢生陳廷顯代父簽名誠有議割換田十四頃一條訊據何泰英供稱已分只有田二十餘畝在園陳言羣供稱已分只有田六十餘畝在園乃約內令割田十四頃計一千四百畝其爲包攬別業挺身扛訟顯然易見且合約內云議明聽業戶揀擇不要受水衝射之園自是以瘠易腴何以約內另條反令補田價銀三千兩既補田價何以約內云所欠田價銀三千兩立單作爲往常貿易揭借本錢約內所稱立單共銀五千一百五十兩除田價三千兩尙有二千一百五十兩又作何項之用

約內又云交銀後務與何封翁出力辦妥銷案並云入控到堂者日後減收園底銀一半附控未到堂者減收園底銀四分之一附控者尙得以次漁利則倡首扛訟者獨享其贏可知種種詭譎貪橫合約內已自和盤託出現據黃玉書等供稱已交何泰英銀一千七百兩據陳廷顯供認收入大南分所不諱勒索已有確據至胡祖彝胡尚懷胡廷榮等訊據供稱該族姪有田四百餘畝被黃玉書等霸築在園願另拆出查該田中邊俱有何能拆出現園已築成勢必將全園拆毀該職員並非真欲拆出明係見何泰英詐索得利競起效尤外則挾黃玉書等以賄和內則藉收族人之訟費亦無非爲乘機涎利起見至黃玉書等築大南沙園以數百戶共有之業倡爲興築先稟請築五十頃後攤擴至七十餘頃實爲多收園底多扣溢田之計雖踵效罔步浮靡之故套而牟利則一查現園築之田共有七十七頃零計收園底可得銀二萬零二百餘兩九四交田可溢田四頃六十六畝零除園基浦道應佔去田二頃八十畝尙餘溢田一頃八十六畝零每畝約值三十兩計所得溢田可值銀六千兩統共可得銀約二萬七千兩雖據黃玉書等供稱築園實用工本銀一萬四千餘兩訟費及交何泰英之銀尙不在內墊資甚鉅現因訟案未結園底銀分毫未收溢田亦未扣清而其藉公營私致取強戶覬覦藉口興訟亦屬咎由自取竊思大南沙園既築成若遇水潦盛漲園中田畝不受浸灌各業戶亦自均沾利益倘果有不便何泰英等何不控於甫

築之時而控於築竣之後且園中業戶數百家各姓均可赴控何獨陳胡數姓纏擾不休顯係爭端漁利一切換田拆田控請毀園之說皆爲假託現經該道於訊明後飭令凡在園中業戶各守原地各安己業不准以割換拆出爲詞致強戶取贏弱戶喫虧何泰英陳言羣等詐贓五千兩除立單未支之銀不准案交已交銀一千七百兩令順德縣繳充公黃玉書等核計將來所收墮底溢田除歸還墊本餘利約有銀一萬三千兩俟明年開收後飭將餘利銀一萬三千兩全數提出罰繳充公乃黃玉書自知認過具結遵依而何泰英雖理屈詞窮恃官恃勢一味橫蠻抗不遵斷致陳言羣胡祖綏等因亦從而違抗此查明大南沙築園互控實因一則意圖沾潤一則恃勢婪索現經勘明訊斷一遵一抗之實在情形也又查何祖榮被控挖濫傷田庇匪讎紳一案據聯名原呈內稱何崇光之姓庠生何祖康與弟何祖安何祖榮倚勢包匪挖毀到處傷人田畝復督匪艇數十艘向補步臺經禁海道肆掠本邑護沙公約禁止弗恤九月初三日臺勇及沙艇拿獲毀匪陳亞良等七名挖毀鐵具十餘件何祖康兄弟膽敢率毀匪多人到臺搶奪適臺弁已將毀匪縛送解約竟將臺內旗幟器械毀散隨闖進護沙公約大肆咆哮都言我侍御弟作事誰人敢管要將毀匪放去約紳前江西上饒縣知縣區作霖勒阻竟被毆傷右目當將毀匪解縣區作霖傷亦驗明伏查何侍御之父兄橫恣子弟效尤欺民藐官素無畏懼今據匪屬約吏將老成紳士毆傷

竊法兇橫實爲歷來世家所未經見士林聞之無不切齒集縣明倫堂會議咸謂公論具在 國法宜彰等語緣海岸濠毀所以保護沙田該縣護沙約紳公議禁止挖濠係屬歷年成案何崇光身列約紳乃其子何祖榮等率匪挖濠開約案匪致將臨作霖毆有微傷有量勇葉萬春目擊爲證經順德縣知縣魏傳熙驗明傷痕如謂黃玉書一人與之有嫌八十餘紳何涉已據邑紳羅榮龍景煜潘玉溶羅家勛羅彬熙楊康等到案訊明眾供如一敘稱何祖榮等匪毆紳係所親見伊家倚官之勢不法之事甚多此其一端等語傳訊何祖榮等始猶以偶從補步臺經過聞艇呼聲因往解散並非包庇爲詞及提陳見其面供係被何四水使令何祖榮乃無詞可辨復據委員萬方輝陳瀛藻查明覆稱何祖榮等平日包匪挖濠每年收毀艇規銀至千餘兩此次開約其叔何崇德並要糾人槍奪幸經邑人阻止否則幾釀大事臨作霖被毆激動閭閻公憤赴明倫堂簽名集議者至三百餘人等語尤可異者此案既控之後何祖榮赴臬司控辨並不遵例遣抱具呈公然以何太史帶函封投並夾入伊胞叔何崇光新升給事中紅報單一紙投進以此二節證之不獨此案包庇匪毀約毆紳其平日種種恃勢橫行已可概見黃玉書控稱何泰英密囑其子妄奏等語恐非無因此查訊因大南沙築圍致成挖濠一案之實在情形也統查築圍挖濠兩案始末情形加以博采輿論順檢閱縣書以爲咎不在何泰英何祖榮等而實在何崇光平心論

之大南沙久應奏案何崇光身居諫垣不應不知其父及子姪親戚藉大南沙案詐變訟何崇光亦不應不知自宜婉切賄書勸戒其父兄約束其子姪令此事早爲處息方爲無愧科目朝紳之選乃經此案入奏之後其父兄子姪勢燄加張揚言鄉里若惟恐人之不知並不稟請差拘而何泰英擅捆職員胡心如解省並不繕呈遣抱而何泰英徑行面遞此案節略於前藩司劉公之前今且愈橫愈甚至公然投報紅遞訟函駁駁焉以勢力凌挾官府陳言羣係何崇光之妻父結黨樹幟助勢索銀供認不諱其裏內有經言官參奏章墨未乾等語顯係隱有所挾查何泰英不過一微末武弁近年雄視一鄉父子祖孫相率霸強著有控案者其第四子崇賢以強霸稅田爲婦婦梁胡氏所控其孫桂芳以扛佔沙田爲與婦潘吳氏所控其第七子崇煥以扛幫耕園田搶割桑禾幾釀巨案爲周殿樞所控綜考一門衆案種種暴橫然則閩縣公論歸咎於縱使之人恐何崇光亦殊無以自解也此案何泰英陳言羣之老悖貪橫何祖榮等之年少妄誕置閩縣水利民生於不恤藐公論國法於不顧種種妄爲厥咎均有難恕然推原論事無非恃有身列諫垣之人應請將何泰英先行交地方官嚴加管束其何泰英與陳言羣案詐銀兩勒令如數退出充公強立銀單銷燬並將監生何祖榮生員何祖康等分別發縣學從重戒飭舉人黃玉書榮國梓派銀一萬三千兩悉數遵結充公仍責令該地方官嚴加管束不准再蹈牟利滋訟情事胡祖榮胡

廷榮等如果始終抗斷滋訟再行飭縣嚴懲惟現值清丈沙田之際首宜整頓劣紳把持積習何泰英等舉家恃勢婪索抗斷庇匪毆紳公呈眾論率皆牽涉何崇光此案若不秉公裁斷不獨大南沙一案纏訟不休將來於辦理沙田之全局大有妨礙至翰林院編修黃玉堂係舉人黃玉書之胞兄黃玉書既與何泰英互有控案自應引避乃控何祖榮等公呈列名在前以致何祖榮等以挾嫌誣控爲詞蓋兩案事雖各別疊實相因公呈雖係閩邑紳士聯名非僅黃玉堂一人其控究屬不知避嫌似亦微有不合惟給事中何崇光編修黃玉堂皆係京官清要未便擅加評論亦未敢緘默不言相應詳請奏明請旨分別辦理其何泰英之第四子何崇賢其孫何桂芳被控各節與現控係屬另案應飭縣傳集秉公訊斷另行議結其第七子何崇煩查已身故上年案經順德縣斷結應予免究等情前來臣查粵省沙田向爲豪紳利藪每一沙中皆係有力者出爲首事斂費築圍所派工料之數每有浮多名曰圍底又藉隄涌佔地之名使各戶復於每田一頃中提出六畝以酬首事名曰六畝溢田各圍雇人看田名曰沙夫亦名沙首充沙夫者每名先納充規數百於首事名曰投沙骨此乃順德各沙相沿陋習其他縣各沙亦復大同小異蓋由沙田皆係上腴類多託名斥鹵延不加升隱匿阻抗不肯報勢之所在利卽歸之利之所在訟卽因之訟不能決歸卽隨之此案大南沙築圍被參各款以阻礙水道一節爲最要迭據前令署督糧道李鴻

關希范等親往屢勘該處海汊交錯沙灘紛羅並非適當大潮入海之口若謂沿海各鄉各沙俱有圍田致阻水勢理自有之若謂止此一沙區區而僅五里身高六尺之圍遂能壅遏狂潮且謂阻及上游數百里外西北兩江之水竊恐近於附會且何泰英爲首所築之浮墟沙一圍地在其北事在其先彼圍不阻水道而獨責此圍所控殊妄至該圍係黃玉書倡築胡玉林並非首事築圍之人各業戶現有簽名原築紅單其口角爭鬧係何泰英雇人掘圍所致並非出自業戶亦無放鎗拒逐之事該圍沿案請築該署縣蕭炳堃沿案批准無所用其賄通現經查明羅家言委無串賄之事其圍底濫田之數陋習相沿各圍所同黃玉書沿濫派收其築圍工費皆係墊辦尚未收到現經飭令俟收齊時將餘利盡數罰繳充公既無阻水串賄釀案各節胡玉林羅家言蕭炳堃等應請勿庸置議惟查此案構訟實情皆由各欲牟利而起黃玉書沿濫浮派本有不合但尚未經入手而何泰英陳言幫勒寫信單強割腴田訛案已經入手者至一千五百兩之鉅以何陳兩家之田八十餘畝勒換他戶之田至一千四百畝之多已屬貪橫然黃玉書違斷罰繳而何泰英抗不遵依銷繳恩訟尤爲恃勢藐法至順德紳士公呈控告何祖榮匪毆紳一案皆經查訊屬實並查出何崇賢何崇烜何桂芳等被控該縣各案一家祖孫子姓橫行鄉里恫喝官紳致動閭閻公憤況正當委員查訊之際公然以兩封訟呈並加給事中報單投送臬司衙門是其一昧恃符

妄爲圖知法度於臬司衙門如此其於該縣可知其於鄉里更可知現在順德家憤沸騰欲請何泰英何祖榮及陳育等無足深責實由給事中何崇光庇縱主使所致竊思何崇光身爲言官是否知情斷不欲加以苛責惟此案既因抗斷不結被控庇匿毆紳一案又復暴橫日甚現當奉旨查辦沙田升科之際法令不行官吏束手若委曲徇隱不行據實奏聞不惟無以息大南沙一閭之訟亦無以服順德閭閻之人心相應據實奏明其應如何辦理之處伏候聖裁至在籍翰林院編修黃玉堂適當前案未結之際亦隨案列名呈控其疎忽之處似亦稍有不合相應請旨交部察議舉人黃玉書沿河派收閘底溢田並未收到現已重請充公應請免其置議仍令該地方官嚴加管束其封職何泰英陳育等監生何祖榮生員何祖康職員胡祖慈胡廷榮等應請將何泰英先行交地方官嚴加管束何祖榮何祖康從重戒飭如果始終抗斷不悛滋訟生事以上各節均卽各予嚴行懲辦其何崇賢等各案飭縣另行查辦訊結至沿海沙田如查有實係阻礙水道之處斷不准私行築圍請串官紳率行批准上年七月已經會同前撫臣倪文蔚通飭示禁在案應再嚴飭禁止以杜流弊上諭前據御史升任給事中何崇光奏廣東順德縣土豪佔築圍壩壅塞水道各節當經諭令張之洞等澈底查辦茲據該督確切查明奏稱粵省沙田向爲豪紳利藪順德縣屬築圍基本有三處內浮墟一圍係何崇光之父何泰英創辦大南

沙圍踵而行之並無阻水串賄放鎮拒逐情事聞縣衆論竄謂何泰英爭利搆訟囑令其子妄奏何崇光之弟姪種種恃符謬妄控告有案等語此案既據張之洞分晰查明舉人黃玉書稟請圍築圍基知縣蕭炳堃批准均係沿案辦理向無不合即著毋庸置議官條陳本省事件但係秉公論奏朝廷因其見聞較確無不立予查辦豈容掩匿已私飾詞妄瀆何崇光之父兄弟姪在籍倚勢橫行欺官藐法何崇光不得諉爲不知乃於伊家先築圍壩及與大南沙圍構釁之事隱匿不言反以土蒙強築請飭嚴辦並申禁嗣後私築圍壩爲詞冀遂其專利營私之計居心實屬險詐給事中何崇光著交部嚴加議處編修黃玉堂於伊弟黃玉書訟案未結之際隨衆列名呈控亦有不合著交部察議其何泰英何祖榮等被控各案仍著張之洞認真究辦毋稍含混以懲濫俗而肅官方餘著照所議辦理該部知道○以豐烈爲內閣學士○庚辰總理各國事務衙門北洋大臣確詢外洋挖河機器船隻辦法於山東黃河海口仿造試行○壬午 上御紫光閣閱賁賡○甲申 上御中正殿閱跳步札○丙戌諭軍機大臣等恭鏗等奏漠河金廠亟應舉辦一摺黑龍江漠河山地方上年曾有中俄匪徒過江偷挖金礦自應及時開採以杜外人覬覦著李鴻章選派熟悉礦務幹員迅往黑龍江隨同恭鏗認真勘辦如津滬殷實各商有情願承辦之人並著飭令同往俾可圖成另片奏吉林候補知府李金鏞熟悉礦務請飭派往會辦等語即著希元轉飭

赴黑龍江會辦○以長順著鑲白旗蒙古都統○戊子歲暮哈祭 太廟 上親詣行禮○是年統計出
口貨直銀七千七百二十萬六千五百六十八兩進口貨直銀八千七百四十七萬九千三百二十三兩
相抵虧一千二十七萬二千七百五十五兩凡徵貨稅銀一千五百十四萬四千六百七十八兩

光緒八十一

臣朱壽朋敬編

臣章士璩恭校

光緒十三年丁亥春正月己丑朔元旦節 上至 奉先殿行禮 慈福端佑康頤昭豫莊誠皇太后御

慈寧宮 上率諸王大臣行慶賀禮御中和殿受禮太和殿受賀至 大高殿 聖人堂拈香○辛卯

上詣 奉先殿 壽皇殿行禮○壬辰諭朕於三月初三日恭奉 慈福端佑康頤昭豫莊誠皇太后啟

鑾十一日祇謁 西陵十二日節屆清明恭詣 慕陵行數土禮兼詣 隆恩殿行大饗禮禮成後於十

六日還宮所有應行典禮並一切事宜著各該衙門照例敬謹預備○甲午諭前據御史方汝紹奏參浙

江道員馬駟良總辦鹽局務貪縱營私各款當經諭令衛榮光提案澈查參辦茲據查明奏稱所參該

道與徽商蘇寶晉何萬裕互相勾結重斤越銷擅價抗課等弊及歌酒賭博因案得贓各節均查無其事

惟以監司大員自詣商人私寓實屬不知遠嫌請交部察議等語浙江候補道馬駟良著交部察議○諭

軍機大臣等勘界一事原令各清現界為正辦前歲初議展寬疆脫乃因自法廷議讓北圻特命鄧承修

等相機與言藉以安插越眾迫該大臣與泡理懲議久不合勢將決裂而法外部電稱兵力所得斷不輕

讓從此斷絕之說無從再議故自上年正月以後屢次嚴電該大臣先勘釐界再商改正因時進退具有
權衡然所謂釐界者指中越現界而言並非舉歷代越地曾入中國版圖者一概闕入其內乃張之洞因
鄧承修有先勘老界之說遂博考載籍繪圖貼說凡前史舊聞一二可作證佐者無不搜集實亦煞費苦
心詳查圖中指出地段大率越南現界以二百餘牛未經辨認之地今欲於歸法保護後悉數劃還於我
法人狡執不允朝廷早經逆料故於王之春初到時撫慰越民有本隸版圖之語特申詰誠恐因緣內附
別滋事端並將拓地之無益後思之宜防反覆周詳電旨之外加以寄諭乃該督等接奉此旨並無一字
覆奏朝廷深意不知細心仰體仍復膠執成見以致江平開勘又復屢議無成反敗彼族白龍尾一段之
狡賴蓋我於越南現界中強思多劃後即於中國現界中妄肆貪求倒戈反臂未有艾鄧承修魚電三
條凡有意見不合處所聲明請示本國此雖雲界辦法然彼倘僅一二處今按粵東圖證所欲多劃者江
平一條之外尚餘其九從此西連桂界直抵保樂延袤之廣地段之繁若盡歸之請示是該大臣等現在
殷勤所不能了者悉諉之朝廷需諸異日又何賴此疆臣專使爲耶蓋西例最重全權凡全權所不允者
彼此斷難改議請示二字不過空言儻能議各歸之後彼竟於請示未定之界駐兵築臺又將何以處之
總之大臣謀國當深思遠慮統籌全局若廣發難端不能收束力求見好貽患將來現在開勘伊始業已

其效可睹設再不思通變則齟齬詎有了期耶茲特明白申諭嗣後分界大要除中國現界不得絲毫假借外其向在越界華離交錯處所或歸於我或歸於彼均與和平商酌卽時定議不必歸入請示凡越界中無益於我者與雖有前代證據而今已久淪越地者均不必強爲爭論新舊各界一經分定一律校圖畫綫使目前各有遵守總期速勘速了免致別生枝節查現勘江平一段既已約明請示未便更改將來斷非空言所能了現飭總署設法與商備請示之處過多則直無從設法該大臣等勿再爲此虛言俟此旨到後鄧承修張之洞當熟思審處將如何遵辦之處卽日電復○乙未頒給四川新津縣 關帝廟城隍廟匾額○予河南祥符縣貞女馮張氏旌表○丙申時亨 太廟 上親詣行禮○徐承祖電致李鴻章去臘德使來詢崎案緣何未結承祖當將始末詳告德使頗責曰不是今早德使來云日廷已願遵傷多卹重之 旨了結約承祖申刻赴伊署與日外部侃耶青木先行三面私議茲言定彼此各給撫卹在東議結德使並云如中國能照前 旨了結數目則易商妥等語承祖允候電請政府示遵竊思現由日先自轉圜遵 旨了結似尙得體且時近 親政吉辰足爲協和萬邦之兆其數目承祖擬并及捕頭每卹七千元兵捕每五千元兵捕因傷成廢每三千元按此核計日應給六萬元我應給二萬一千元其餘費用彼此自認應否仍須彼此整因懲辦及定水師登岸章程之處統求酌奪代奏如蒙 俞允求遂

細電示並可否代請給承祖全權以便遵示與日全權議結 上諭軍機大臣等崎案既經德使轉圖日

外部願遵傷多恤重之議歸結尚不失體事屬可行如別無翻覆及另添枝節即著徐承祖與之妥慎定

議先行電覆再降全權諭旨以便畫押結案徐承祖承辦此事務須步步詳慎不可稍涉輕忽拏因本屬

空言登岸已有西例兩層均毋庸置議德使何名兵捕因傷成廢共有幾人著一併覆奏○庚子頒給山

西洪洞縣 龍神廟 城隍廟匾額○辛丑祭 祈穀壇 上親詣行禮○壬寅 上詣 奉先殿 壽

皇殿行禮○諭上年自冬至後朕恭遇 壇 廟大祀敬謹親詣行禮而 奉先殿未經特祭恭查咸豐

二年 皇考文宗顯皇帝同治十二年 穆宗毅皇帝均親詣 奉先殿致祭行禮朕親政後自當敬法

前護用申誠惻謹於三月初一日恭詣 奉先殿前殿肅祝致祭所有應行典禮著各該衙門照例敬

謹預備○欽奉 慈禧端佑康頤昭豫莊誠皇太后懿旨戶部奏請於瀕臨江海各省應解京餉內酌易

制錢解存天津備用開單呈覽一摺上年六月間諭令醇親王會同軍機大臣戶部工部將錢法妥為籌

議以期漸復舊制旋據奏請以三年為期徐為規復先令直隸江蘇各督撫添購機器製造制錢並飭例

應鼓鑄制錢各省一體趕緊開鑄鑄造當經照所請行此係特旨交辦之事宜如何切實舉行俾臻成效

戶部為錢法總匯自應督催各省認真籌辦乃時閱半年忽稱機器製造工本過鉅京局開鑄恐滋事井

疑慮而以飭令湖北等省搭解制錢運津備用爲請該部並未向醇親王等籌議輒信外省督撫卹貢之詞互相推諉爲此數行摺塞之計現復制錢仍准搭用當十大錢前奏聲敘甚明何至一經開爐即爾辭然措詞尤屬失當近來籌畫度支開採銅鐵等礦本爲人地自然之利各該督撫往往以事多窒礙一奉塞責中外泄沓成風於因時制宜變通籌畫之至計並不盡心籌畫實力舉行更思藉端嘗試像爲異日委卸地步此等積習深堪痛恨總之舊制必宜規復錢法亟宜整頓前經迭次訓諭乃該堂官不能仰體朝廷裕國便民之意飾詞延宕實屬大員委任戶部堂官均當交部嚴加議處原摺單擲還仍著將開爐鼓鑄各事宜迅速另行籌議其公限於一年內一體辦理並緒毋再遲延干咎懷之○癸卯 上親政率王以下六部九卿詣 慈寧門行慶賀禮畢御太和殿受賀保和殿筵宴○調楊岐珍爲浙江定海鎮總兵曹德廣爲江南狼山鎮總兵○欽奉 慈禧端佑康頤昭豫莊誠皇太后懿旨醇親王奕譞之子載洵著加恩賞給不入八分輔國公○岑毓英奏雲南東川一帶地接川黔久亂之後伏莽本多其西境與川邊黑蠻僅金沙一江之隔時常偷渡久爲邊患本年十月間風聞有土匪勾結蠻夷過江起事經派營機府加意嚴防去後旋據東川府知府全楙續奏將楊慶良稟稱十月初三日該府接據探報府屬匪徒張學義等由江外勾結蠻夷千餘人偷渡過江襲奪川濱沿邊一帶匪徒數千人已將麥地鍋圈嚴老君銅

捷滿等洋冬瓜坪等寨攻破占踞殺斃武職楊盛宗楊好謀一家數十丁口各寨民人受害亦多勢甚披猖該守等聞報一面具稟一面飛移防江各營調派營勇復由府招募鄉勇添調團丁各千餘名親率馳往相機剿撫並知會附近之蒙姑燈金委員曹蘇鄉兵防護及巧家廳營各路兵團堵禦留東川縣駐守城防該府卽於初六日馳抵蒙姑匪先分股復將黃坪沙坪鹽井杉木箐等寨攻踞正圖渡江搶局幸該府已到卽督率都司龍正陽團首趙廷樑等出賊不備奮力圍擊該匪力不能支各自潰亂乘勢追逃先將黃坪沙坪鹽井杉木箐冬瓜坪捷滿等寨收復生擒匪首沙自新等六名奪獲大礮三尊旗幟器械多件該匪等均逃歸鍋圈巖等處堅壁不出此初七八九等日進剿獲勝之情形也該府等以鍋圈巖等寨原是楊盛宗楊好謀父子所築之堡地險糧足攻堅不易先繕就反正免罪告示射入並密諭各寨首人設法內應一面勵激兵團於十五六等日分兵三路同時並進晝夜環攻該匪拚死拒守成軍包後斷其水道賊始分隊而出鏖戰數時之久成軍奮勇直前剿斃賊首張小人曹隊專等暨各匪百餘名正在相持首逆張學義先由普洋將其家屬送入鍋圈巖爲負隅抗拒之計經團勇探悉由後山攀越知會夷目祿如珍等內應我軍分隊援擠直上鼓噪齊登前後夾攻卽先後將鍋圈巖峯地老君洞各堅巢攻克陣殲張學義之子其餘家屬捕獲並獲偽印二顆奪獲大礮多尊鎗矛百餘件乘勝圍攻普洋經團首張國

鈞內應一併收復生擒賊目二十餘名陣斃無算餘賊皆滾滾施水逃竄過江計兵團先後傷亡亦衆提
飭生擒賊目供張學義係匪徒張東高之子前於兵變時張東高在川南地方滋擾經四川甯遠文武密
移楊好謀之祖父楊玉衍集團拿獲辦理張學義逃往江外昨因探知普洋等寨收藏甚裕爰藉名報仇
勾結伊等過江起事當將沙自新正法其餘訊係首從者分別監禁保釋原築濠牆全行平毀被害民人
給資撫恤傳聞張學義已死於亂軍是否屬實現於江干內外確查下落等情並據防江各營及巧家廳
稟報相符臣查該匪張學義以漏網餘生勾結川滇蠻夷起事不數月間連陷村寨裹衆數千蔓延數百
里其勢甚張經該府激勵兵團設法攻剿將村寨一律收復雖逆首尙無下落其餘首要悉就殲除此皆
仰仗 天威辦理諸多得手是事起於倉猝該府全林續籌防督剿迅赴事機立爲撲滅使焚燬之火不
致燎原實屬勞績卓著合無仰懇 天恩俯准將署東川府事補用知府全林續 賞給清字勇號以爲
果敢任事者勸其餘在事尤爲出力員弁以及陣亡丁勇可否容臣查明分別彙請獎卹出自 逾格鴻
慈一面仍飭查首逆張學義是否殲斃務得確實並將善後事宜妥爲辦理 上諭岑毓英奏蠻匪竄踞
村寨派兵圍剿剋日收復一摺上年十月雲南廣川匪徒張學義等搆結蠻匪佔據麥地鍋圈廠等寨勢
甚披猖經岑毓英飭令署東川府全林續等設計攻抄殄擒逆匪多名將村寨一律收復辦理尙爲

迅速全株續著賞給依博德恩巴圖魯名號以示獎勵其尤爲出力員弁及陣亡勇丁著該督稟請議卹
仍著查明匪首張學義是否殄斃毋任漏網並將善後事宜妥爲辦理以靖地方該部知道○內午銜榮
光奏欽奉 上諭前經迭次諭令各省將各局嚴加裁汰節省糜費鹽務係運司專責本不必另設局員
轉多弊混該省所設綱鹽局自應及時裁撤並著體察情形據實具奏毋稍瞻顧等因欽此伏查浙江鹽
務自遭兵燹商人星散徧地私鹽同治初年前撫臣左宗棠督師入浙次第克復隨處招徠商販試辦票
鹽按斤抽釐不分正雜統歸釐捐局收納接濟軍餉嗣於同治八年六月前撫臣李瀚章任內將浙西蘇
松常鎮太四府一州招復引商分地認運部復照准是年冬又因票商並無限制不列真名的姓設有弊
端難於究詰議照准鹽章程令商人呈報真名的姓查照票運銷數最多年分核加額引分地認運按春
秋兩季完課聖運庚午年春綱爲始給予執照循環轉運並按引扣輸一次發典生息作爲塘工歲修之
需維時適因釐金一項奉部飭令按年造報事甚繁雜不免兼營鹽務詳請另設綱鹽總局責成運司督
辦藩司會辦另派道員駐局總辦即經前撫臣李瀚章批准照辦未及奏報旋經前撫臣楊昌濬奏明在
案此兩浙鹽務分別辦理及設綱鹽局之原委也竊維辦理鹽務不外裕課恤商而裕課恤商要在道路
通暢方有實濟銷路通暢又非緝私減價不可無如兵燹之後散勇游民到處聚集無以爲生動輒大掠

私販在彼惑不畏法拒捕格鬪無所不爲竟有捕不勝捕之勢不得不多雇巡勇以資堵截而商人等辦
巡經費竭蹶萬分時虞缺乏況近來股賈之商不可得大率集資承辦計本受恩用款既多難資餘潤遂
致各懷私見不顧大局此實時勢使然無可歸咎者也臣惟開誠布公設法整頓以冀挽回於萬一茲查
浙西蘇松常鎮太五屬早經改復引商完課奏銷一切事宜本由運司衙門辦理毋庸置議所有浙東各
屬行銷綱鹽引多課重事亦煩雜而歸綱鹽局彙總移司核辦爲時已久有轍可循今擬欽遵 諭旨裁
撤綱鹽局一應收課支發造銷各事統歸運司督辦以一事權歸綱鹽成案暫免更張另委知府一員隨
同運司管理綱鹽事務並酌留文案差遣佐雜數員以資熟手而免誤公共會辦提調等名目概行裁撤
以節經費其餘未盡事宜或有應行變通之處俟奉 旨後容臣督同運司悉心酌核妥爲辦理下戶部
知之○追予廣西關外陣亡總兵楊玉科於雲南大理府廣西鎮南關建祠○已酉諭懷塔布奏恭辦要
差暨應修工程請撥銀兩一摺本年三月祇滿 西陵沿途駐蹕地方橋梁道路並永寧寺及行宮應修
各工自應早爲辦理據奏廣恩庫無款可籌請撥案於直隸藩庫籌撥修理橋道等銀一萬二千兩添撥
各項工程銀六千兩以備撥用卽著李鴻章飭令藩司迅速如數撥解俾應要需餘依議該部知道○辛
亥諭鑾儀衛奏恭備要差請飭催欠款一摺直隸應解鑾儀衛地租銀兩積欠甚鉅本年三月朕恭奉

慈福端佑康頤昭豫莊誠皇太后祇謁 西陵該衙門恭備一切差使需款孔亟著李鴻章飭令藩司於積欠地租項下迅速籌提銀二萬兩務於二月二十日以前如數解到以濟急需其本年應徵地租銀兩亦著照舊陸續批解○調曾紀澤爲戶部右侍郎轉廖壽恆爲兵部左侍郎調孫家鼐爲兵部右侍郎○訓京營爲吏部右侍郎熙敬爲戶部右侍郎○壬子頒給直隸天津縣 河神廟 風神廟 大王廟匾額○癸丑諭兵部奏請飭催積欠租銀一摺直隸各州縣應解兵部馬館地租生息銀兩積欠甚多本年三月朕奉 慈福端佑康頤昭豫莊誠皇太后祇謁 西陵該部恭備差應付車馬繁多需款孔亟著直隸總督飭令藩司無論何款卽行設法於本年欠銀四萬餘兩內先撥銀三萬兩限於二月初十以前撥解到部毋得延宕嗣後務須年清年款不得稍有拖欠○諭榮毓等奏請飭撥銀兩一摺據稱現在恭辦差費庫款無可籌措直隸藩庫撥銀一萬兩於正月內解交等語本年三月朕奉 慈福端佑康頤昭豫莊誠皇太后祇謁 西陵該處承辦各差需款甚鉅著直隸總督飭司照案撥給以應要需餘依議○以裕祿爲湖南總督○以麟書署鑲藍旗蒙古都統○張之洞奏據兩廣鹽運使王毓藻會同廣東布政使高崇基詳稱各省鐵斤鐵器定例不准下海所以防接濟洋盜也海禁既開今昔情形迥異每歲外洋鋼鐵入口不下數千萬斤所售鉛鐵器具不下數百萬件銷銀不止數百萬兩有來無往理

殊不平近年來各省講求礦務率以煤鐵爲大宗粵鐵尤屬精良而銷路不廣卽欲行銷沿海各口陸運
脚費既繁海運又冒法網徒使洋鐵到處流通大利盡爲所奪廣東現在礦政局鼓舞商民應請將兩廣
鐵斤鐵器免禁出洋至出口之處一體照例完納稅釐詳請具奏前來查粵鐵出產素饒行銷不廣聽
其頓滯一區不惟洋鐵徧行漏卮難塞卽粵鐵盈積私販亦難盡絕徒令礦法多一窒礙工商少一營生
伏查光緒九年十二月臣在山西巡撫任內會同北洋大臣李鴻章奏請將山西鐵斤准由天津出口轉
運各處奉 旨著照所請欽此現在管鐵由津出海轉運東三省久已欽遵辦理廣東廣西事同一律且
廣東現在開辦礦政該司道等所請援案免禁出洋係爲利民通商起見相應據情奏懇 天恩俯准兩
廣鐵斤鐵器海運出洋銷售以興礦務而惠商民得 旨如所請行○甲寅諭前因御史王展榮等奏參
戶部銀庫書吏史恩濤侵扣巨帑等情發交刑部嚴訊並諭令孫詒經明白回奏嗣經刑部傳訊該書吏
等有無賊證堅不吐實復飭山東巡撫張曜訊取該委員等確供交部核辦茲據刑部奏稱該書吏等索
費一事訊無實據照被參各節酌量完繳等語已革書吏史恩濤此案雖無需案使費確據惟以一書吏
屢被言官參奏平日車馬衣服奢侈踰度其爲過事招搖聲名狼籍已可概見必應嚴行懲辦以儆將來
史恩濤著照部議杖一百徒三年餘依議戶部左侍郎孫詒經將史恩濤片革交坊意在嚴懲竊吏惟未

經查出實據輒令繳銀辦理殊屬失當孫詒經著交部議處○以聯恩爲三姓副都統○予故四川總督丁寶楨於本籍貴州建祠○乙卯欽奉 慈禧端佑康頤昭豫莊誠皇太后懿旨規復舊制錢必應廣籌鼓鑄著李鴻章先行購置機器一分就天津機器局趕緊鼓鑄運京備用嗣後每錢一文均以重一錢爲率京局及各省一律照辦○諭都察院奏各路飢民來京求食懇恩飭撥米石設局平糶一摺上年順直境內多被水災各路飢民來京求食人數甚衆艱苦情形深堪憫惻加恩著照所請由戶部倉場侍郎撥給大小米各一萬二千石並酌撥經費銀二千兩由順天府領交五城分設各局平糶以濟民食務飭承辦各員查照向章妥爲經理毋得稍滋弊混該衙門知道○丙辰張之洞奏查同治五年十月二十五日奉 上諭瑞麟等奏拐賣人口出洋之奸徒請於審明後卽行正法等語所見甚是此等奸徒以誘拐人口出洋爲漁利之計其情罪甚爲可惡著卽照該督等所擬於審明後爲首斬決爲從絞決由該督撫提訊後卽行正法以挽頹風仍著將決過人犯三箇月彙奏一次以憑查核欽此欽遵行知遵照在案自此辦理誘拐出洋之案一經獲犯審實立予駢誅匪徒咸知斂跡嗣後於同治十三年前撫臣張兆棟以略誘出洋之案遂漸稀少請將拐匪照常死罪人犯審解勘提光緒二年七月前督臣劉坤一議覆前督臣英翰原奏嚴定拐騙人口出洋匪犯請仍循例解勘奏准刑部咨覆嗣後粵省拿獲誘拐人口出洋匪

犯被誘之人訊非情甘出口罪應斬絞立決之案由臬司覆審解勘具題聽候部覆辦理毋庸先行正法並聲明隨時查看情形如果日後匪徒膽敢肆行略誘再當奏請從嚴懲辦等因原例並未變更辦理逆多周折從此地方官拘泥遷就率以犯供拐未出洋爲詞曲爲開脫必待起出口供稱拐賣處所始行懲辦以致案懸日久多從寬貸殊不知違賣出洋安有起出之日因之將就了結終無嚴辦之期該匪習見習聞毫無顧忌略賣之風日甚實由於此現據各州縣稟報拐案幾於無旬無之蓋緣粵地濱海港汊紛歧香港澳門皆屬洋界法令不及逮逃所歸輪船層集隨意所之較之內地難於收賈且直至外洋之價較之內地爲豐其賣出口而得慶生遺者百無一二以故罹此害者較他省尤多尤酷夫一人被拐舉家倉皇其父母或因之輕生其家室或因之離散出洋者受苦工之磨折陷異域而殞生呼籲無門收恤無所究抑孰甚查匪徒劫奪財物無論有無致斃人命賊數多寡罪皆大辟今拐賣人口者肆行略誘賊數既多流轉出洋動輒殞命其情節較強盜殺人得財尤爲慘毒而現在辦法尙從常典輾轉解勘復需時日實不足以挽救頹風亟宜規復舊章並於就獲審明後不分首從均卽立置重典俾奸徒知所儆畏據廣東按察使于蔭霖會同布政使高崇基具詳前來臣詳核創意體查粵省情形此案略賣人口出洋匪徒其出洋漁利無殊於海盜其傷害人命尤重於劫財竊查本年十二月初三日准刑部咨定擬南

海縣拐婦衛略氏罪名照強盜律斬決一案原咨內稱迷拐者以人爲財人已被迷拐走卽屬得財雖藥未起獲惟經船戶救醒供證實屬確鑿豈得因其未領治罪反予輕減等語具見部臣深悉粵省情形執法懲奸之意雖藥迷之與出洋情事各別而拐賣之無殊於強盜理有可證該司道等現詳各節係屬實在情形擬請嗣後略誘拐賣之案除立時由內地起出被拐人口訊明並非圖賣出洋及起獲之人實係情甘出洋並非略誘者仍照定例辦理外其確有證據實係略賣出洋而捏稱賣往內地者或狡稱被拐之人情甘出洋毫無憑據者及妄指轉賣處所查無蹤跡時逾三月仍未起獲者均暫行照強盜得財律不分首從一律斬決先行正法歸入奏辦各路匪鄉案內就地懲辦彙案奏報如此明定章程庶州縣不至曲爲開脫而匪徒知儆民命保全一俟此風稍息再行體察情形奏明辦理得 旨允行

二月庚申諭軍機大臣等前據啟秀奏由奉天備放春餉項內籌撥黑龍江接濟銀二萬七千五百五十六兩零遵照部議卽由山海關六成洋稅項下照數撥還茲據慶裕奏六成洋稅係屬奉軍專餉上年部議按年攤還洋欸銀一萬五千兩餉項已形短絀若再提撥銀二萬餘兩更屬不敷支放請飭部另行改撥等語此項指撥奉天墊發黑龍江接濟銀兩必須籌撥有著的欸如數歸還現據慶裕奏六成洋稅無可提撥應如何另行改撥之處著戶部速議具奏慶裕啟秀近在同城於此項撥欸何以並未會商以致

兩奏歧異著據實覆奏慶裕片著鈔給戶部閱看將此諭知戶部並諭令慶裕啟秀知之○辛酉諭陝西固原提督雷正綰前任秦天營口防所修建營盤借用秦省練餉銀一萬二千七百餘兩據慶裕奏稱雷正綰已如數備齊咨請兌收等語該提督統軍久戍頗著勤勞此項銀兩著加恩賞給該軍毋庸歸還以示體恤○頒給秦天懷仁縣關帝廟城隍廟匾額○壬戌雪○癸亥諭本日召見奉恩鎮國公桂馨於朕詢問之語全無奏對任意妄言支離可詫且進退之際失儀甚多著交宗人府議處○甲子諭榮毓等奏援案借撥銀兩以濟要需一摺本年三月祇謁西陵該衙門預備一切需款甚殷據奏安州等州縣欠解租銀尚多著李鴻章於藩庫內無論何款先行撥銀三千兩即著榮毓等派員支領應用該部知道○諭榮毓等奏募陵應修工程重要請派大臣查勘並擬先行修整請飭擇吉開工各摺片募陵寶城寶頂均有應修要工著派治安迅速前往敬勘估奏明辦理並著欽天監於二月十五日以前選擇開工吉期行知該衙門遵照將應行修砌抹飾各工程辦整齊另片奏石水溝暫行平墊一節著照所請行該部知道○乙丑以敬信署工部左侍郎○樸園晉奏三省練兵一律成軍核計常年餉數並酌定防軍章程竊奴才辦理東三省練兵事宜業經會同各該省將軍詳細籌商認真揀選遵照會辦每省挑練馬隊兩起步隊八營內惟秦省酌撥騎隊兵冊一千名吉林酌撥騎隊兵冊一千五百名餘俱改練新

兵江省地曠兵單全屬挑練新兵三省各足成四千五百人之數均已先後點驗成軍會奏在案所有營制餉章會議准照吉林防軍章程辦理應即查照遵行惟立制期於經久慮事員乎協中奴才悉心參酌向章馬隊一起原設幫帶官二員哨官四員似於營制未協現擬改爲幫帶官一員哨官五員餘俱照章辦理此章程所有而量爲變通者也吉林練軍專爲一省邊防師將軍就近督辦向章只設分統現辦三省練兵添派總統幫統二員俱係特簡大員該總統等有督標馬步練兵統轄十營之責任重事繁週非統領可比其月支薪水公費以及營務文案委員必須照統領章程爲加增方足以崇體制而資辦公至於奴才所帶隨營差委之摺奏文案營務各員設立三省支應軍械轉運各局月放薪水公費會議均由奴才自行酌定並奏准奴才隨營員弁遠涉三省分別行坐差使加給津貼是留駐各省者爲坐差馳驅三省者爲行差已各按官階之大小事務之簡煩薪水之多寡提出維欸分別加給以恤行役卹嚴飭自備飲食車馬不准絲毫擾及地方以紓民力此章程所無而遵議酌定者也奴才茲奉 諭旨准將三省練餉隨時會商海軍衙門籌備奴才當以餉由海軍衙門籌備將東三省用欸請卽按年開單咨由海軍衙門核銷復經奏准在案此後三省馬步各營一律成軍凡奴才營中現行營制均照會議定章隨時咨請海軍衙門籌撥用欸原奏以昭核實合計三省新練馬步各營添設各局以及奴才隨營員弁總

統等分帶員弁每月餉乾辦公薪費等項應需銀八萬九千二百餘兩內除奉省抽撥練隊隨帶餉乾銀七千五百餘兩吉省抽撥練隊隨帶乾糧銀九千六百餘兩不計外每月實需銀七萬二千一百餘兩通年合計共新增練兵餉乾銀八十六萬五千一百餘兩遇閏加增所有三省操演軍火現准海軍衙門咨撥吉江兩省就近由吉林機器局製造奉省距京較近仍由神機營存儲軍火籌撥自應遵照辦理又粵撥克虜伯礮六十尊已飭勻撥三省各二十尊分隸兩營練習將來須用馬匹編演應俟車礮解到掛馬調齊即行按日支給馬乾經費每時增餉若干容再查照章程咨請海軍衙門核辦其餘修葺營房製造旗幟號衣鞍韉鑿鐵帳棚鍋碗應用各款照章約需銀九萬兩准銷正餉一次不在月餉之內又領解餉項轉運軍火津貼委員修整銀櫃置辦物料各項經費事屬雜支而款在必須一時尙難預定統而計之常年需餉一百餘萬兩之譜然常年餉需雖不下百萬兩查照原設一百五十萬兩之數節省已及三分之一惟是練兵以餉項爲重餉足乃可以兵精才膺此重任固不敢博寬厚之名稍滋糜費亦不敢存苛刻之見轉礙事機惟有撙節開支實事求是勸加校閱早成勁旅以仰副 朝廷簡練軍實慎固邊防之至意報聞○川滇電線成○內寅命戶部左侍郎孫貽經毋庸在毓慶宮行走○戊辰雪○福建福州地震○祭社稷壇 上親詣行禮○命雙全爲察哈爾領隊大臣崇勳爲索倫領隊大臣○諭軍機

大臣等前據御史謝祖源陳奏出使外洋人員飭翰林院六部等衙門由堂官就屬員中考察精明幹練
實堪勝任者每二年保薦一次現已兩年有餘未據各衙門具摺保薦可傳諭總理各國事務衙門行文
各署知之○已已張之洞奏欽奉 上諭有人奏廣西桂平等縣有奸商把持桂皮行市及詭稱包稅抑
勒價值串通關書舞弊情事窮民受累釐稅日減著張之洞等確查禁革以除積弊等因欽此恭錄移行
兩省欽遵查辦查原奏內稱粵西潯州梧州府屬之桂平容縣藤縣平南等縣山谷連綿居民種植桂樹
爲生歲剝桂皮販運售賣每百斤約值價七八兩西省於平南之大烏墟抽收桂釐每年稅銀四五萬兩
向無擾累民安其業同治年間忽有廣州奸商潘元紀鍾永泰等號十六家詭稱包稅把持行市不許他
人販賣在該處張貼粵海關告示賤值勒買向之桂皮百斤值價七八兩者初猶予價二三兩漸而勒捐
至七八錢尙不敷種植剝工之費居民漸至失業光緒十一年又有奸商謙益堂徐姓效其故智設法將
十家退去一家包攬壟斷獨登勒捐尤甚數十萬窮民均被其害生計日蹙該處釐稅近來減色等語查
桂皮一項東西兩省有之西桂產平南桂平容縣四縣東桂產羅定一州而販運出口之道又分兩途東
路水運西桂由潯梧順溯西江東桂由羅定內河至肇慶亦順溯西江沿流而下至廣州省城出海此爲
舊道西路水陸並運西桂由梧潯逆溯西江趨鬱林州至廣東廉州府北海口出海此爲新道因北海關

三聯單於光緒四年已經開辦其時粵海關三聯單未行故洋商改由巖廉一路以避兩省沿江釐稅華商仍由梧肇一路稍分餘潤上年粵海關始行單聯於是洋商販桂者統歸西江順流水運洋商改水運則獲利益豐華商多經沿江稅釐則成本益重從前西桂由華商販至兩省與洋商販運出口每百斤值銀十餘兩其在西省亦值八九兩桂戶獲利頗厚種植日多自廣東羅定州桂皮盛出其利遂分近十五六年來出貨多而出口之價日賤釐稅密而販商之利日微兼以聯單暢行華商淡薄故買價不得不低每百斤僅給銀八九錢幾不敷採辦工本洋商知華商成本過重不能與爭亦遂以輕價收買兩省產桂之區情形略同蓋因聯單行而販桂之商病因華洋買價皆低而種桂之戶尤病此東西兩省桂皮生理遞年耗減之實在情形也至商人承辦包抽始於道光末年怡順堂商人等咸豐五年有和濟堂之鍾全紀潘元紀倫永泰霍記等十家蓋桂皮專銷洋船運售有時屯戶平日收買以供巨商採辦潯梧等處種桂業戶不下數十萬家屯戶不下數百家其勢散漫難稽昔時招商承辦原爲責成稽查杜絕走私稅釐起見行之久而弊生遂有把持抑勒之事中間屢有革換仍復積弊相承上年十月准粵海關監督海緒咨稱以謙益堂商人宗兆祥等十四家採辦桂皮稅釐而無徐姓商人名目嗣經臣之洞查得該商人謙益堂較前商收買出價稍多西桂每百斤銀一兩三四錢不等東桂每百斤銀一兩六七錢不等尙無

串通關書舞弊情事然利權所歸仍復不免措勑當將該商立即斥革出示嚴禁札飭東西兩省釐局以
後賣成本地屯戶抽收地稅永禁東省販商壟斷居奇獨是桂戶之累無論把持與否要以價低利薄爲
患計西桂出口時價百斤值銀四兩八九錢東桂賤販商自西而東每倍之桂釐稅運腳鋪棧打包網
工約共需銀三兩二三錢雖定之桂約共需銀二兩六七錢加以貨本獲利幾何購之士人價自不得不
廉華商之買價既廉洋商之買價亦必不肯厚故既禁把持以治標尤宜減稅釐以治本現經定章令東
西兩省桂皮概由出產處所抽落地稅一道此後經過兩省關卡一概驗單放行無論稅釐均不准再抽
分文惟至粵海北海兩關出口時完正稅一道其一切換照驗船子口雜費概行裁革復與粵海關監督
增潤商允於完正稅尤須極力體恤東省落地稅委員在羅定州設局每百斤抽銀五錢西省落地稅開
辦有年潯梧總局向係每百斤抽銀七錢二分亦令減爲五錢以歸一律無論是華是洋不向販桂之商
抽收惟賣成買賣之戶照繳此係援照各直省府縣徵收行戶落地雜稅例辦理與臣奏衡往返兩商
意見相同現據東西藩司東西釐局分別議詳稟覆並經潯梧總局委員金佐基羅定州知州杜璵環委
員蔡逢恩等稟報遵章開辦前來臣等查廣西土貨惟桂皮爲商販之大宗山農之厚利羅定山僻生計
攸關皆必宜設法護持惟桂戶之累固患把持尤患價賤現在辦法貨無壟斷途免徵抽薄收地稅責成

屯戶大抵輕採運之成本以紆桂商禁包攬之桂商以郵桂戶減東省之稅釐雖設以保西釐方今兩省度支專恃鹽捐然商之不行鹽於何有故不得不通籌力斷以資財源現查開辦數目西桂收買價已漲至二兩三錢有零東桂亦不相上下小民生計稍紓足見減釐之效嗣後外來販商再有妄請包辦者立案永遠禁止如本地屯戶有抑勒價值情弊亦當隨時查禁革退懲辦以仰副 聖主子惠商民之至意

下所司知之○庚午 上諭 文昌廟行禮○諭劉秉璋奏請調狼山鎮總兵楊岐珍赴川委差等語楊岐珍曾經該督奏調留浙現復請調赴川雖據稱爲營務擇人起見惟楊岐珍實缺人員現經留辦臺防四川現無軍務所請著不准行實缺提鎮係武職大員體制較崇各有整飭戎行鎮撫地方之責乃近來狃於積習各督撫因其曾經保薦往往奏調差委視同部曲而該提鎮亦遂甘聽指揮僅顧私恩罔知大義既失朝廷建置專閫之意復開黃緣依附之門此風斷不可長嗣後各督撫於實缺提鎮概不准率行奏調以符定制而肅官方將此通諭知之○辛未 上諭 關帝廟行禮○予工部左侍郎烏拉布之繼祖母岳諸特氏旌表○癸酉諭向來漢軍人員引見應口奏清語履歷乃本日兵部引見之千總徐元璞航一倫履歷竟奏漢語殊屬非是漢軍世隸旗籍國語理宜熟諳嗣後引見人員務當遵照向例口奏清語履歷毋得再有違誤致干重處○諭兵部奏聲明承辦軍報司員勞績應准仍照成案獎勵一摺兵部

捷報處接發申報日夜從公責任繁重處分亦嚴與各部院辦理尋常事務不同該司員等勤慎辦差尚無貽誤著仍照該部前奏所請給與獎敘嗣後仍准三年酌保一次他處不得援以為例該部知道○頒給臺灣嘉義縣城隍廟龍王廟匾額○甲戌命福森布長順敬信恭詣西陵查看紅橋○乙亥

慈順端佑康頤昭豫莊誠皇太后履選秀女飭王貝勒貝子公文武大小官員等不准由神武門出入○肅親王隆懋因病請開緊要差使允之仍留鑲藍旗漢軍都統以示體恤○內子諭恩銘奏拿獲違犯人犯請交部審訊一摺本月十七日有人肩挑什物在東華門外欲行混入值班官兵等向前攔阻該犯竟敢持刀將護軍希林泰砍傷拿獲後經恩銘派員訊問詰以姓名堅不供吐實屬兇狡已極著交刑部嚴行審訊務得確情按律懲辦○丁丑諭本年輪應查閱直隸山西陝西四川甘肅五省營伍之期直隸即派李鴻章山西即派剛毅陝西即派葉伯英四川即派劉秉璋甘肅即派譚鍾麟逐一查閱認真簡校如有訓練不精軍實不齊者即將廢弛之將弁據實參奏毋得視為具文○諭有人奏各省保甲廢弛請飭整頓等語保甲為弭盜良法果能切實編查則莠民無藏身之所地方自臻安謐近來各省游勇肆行滋事之案甚多即使拿獲嚴懲良民已先受其害非尋正本清源之策不足以靖萑苻而安閭里著各直省督撫嚴飭所屬將保甲事宜認真辦理立法務期盡善尤在實力奉行務使各州縣隨時親查絕不假

手吏役庶有稽查之實而無滋擾之弊地方官以此辨民之良莠而上司即以此課下之勤惰上下實心期收實效不得僅以造冊申報敷衍用副朝廷戡暴安民實事求是之意將此通諭知之○召德馨入覲以平嘉樂署理江西巡撫○命善慶爲閩兵大臣○己卯命麟書徐卬崑岡曾紀澤承修東西陵工程○庚辰總理海軍事務衙門奏鐵路之議歷有年所毀譽紛紜莫衷一是○奕譞向亦習聞陳言嘗持偏論自經前歲戰事復親歷北洋海口始悉局外空談與局中實濟判然兩途當與李鴻章善慶巡閱之際屢經請求○奕譞管理各國事務衙門見開親切思補時艱○曾紀澤出使八年親見西洋各國輪車鐵路於調兵運餉利商便民諸大端爲益甚多而於邊疆之防務小民之生計實無危險窒礙之處近在總理各國事務衙門行走於此事更加留意探詢所聞相同現在公同酌核華洋規制自古不同鐵路利益雖多若如外洋之徧地皆設縱橫如織不惟經費難籌抑亦成何景象至調兵運械貴在便捷自當擇要而圖未可執一而論正商榷間據天津司道營員聯銜稟稱直隸海岸六七百里雖多淺灘沙碛然小舟可處處登岸輪船可以泊岸之處除大沽北塘兩口外其山海關至洋河口一帶沿岸百數十里無不水深浪闊大沽口距山海關約五百餘里夏秋海濱泥淖所阻礙車日行不過二三十里且有旱道不通之處猝然有警深虞緩不濟急且南北防營太遠勢難隨機援應不得不擇要害各宿重兵先據所必

爭之地以張 國家關外之威然近畿海岸自大沽北塘迤北五百餘里之間防營太少究嫌空虛如有鐵路相通遇警則朝發夕至屯一路之兵能抵數路之用而養兵之費亦因之節省今開平礦務局於光緒七年創造鐵路二十里後因兵船運煤不便復接造鐵路六十里南抵薊河邊閭莊爲止此卽北塘至山海關中段之路運兵必經之地若將此鐵路南接至大沽北岸北接至山海關則提督周盛波所部盛軍萬人在此數十里間馳騁援應不啻數萬人之用若慮工程浩大集資不易請將閭莊至大沽北岸八十餘里鐵路先行接造再將由大沽至天津百餘里之鐵路逐漸興辦若能集款百餘萬兩自可分起告成天津鐵路辦妥再將開平迤北至山海關之路接續籌辦此事有關海防要工卽或商股一時不能多集似應官爲籌措並調兵勇幫同工作以期速成且北洋兵船用煤全恃開平礦產尤爲水師命脈所繫開平鐵路若接至大沽北岸則出礦之煤半日可上兵船若將鐵路由大沽接至天津商人運貨最便可收取洋商運貨之資藉充養鐵路之費如蒙奏准擬開平鐵路公司一手經理以期價廉工省並請委派公正大員主持其事等情會同前來臣等查該司道營員等所請由閭莊接修鐵路至大沽北岸八十餘里均在大沽北塘之後距海岸尚數十里實無危險之慮惟須籌出養鐵路經費庶可持久所請由大沽至天津百餘里之鐵路逐漸興造洵爲扼注良法於軍旅商賈兩有裨益平日藉資拱衛遇事便於援

應卽戰陣偶不得力祇須收回輪車拆斷鐵路埋伏火器自不虞其衝突等會同商的擬請照依該司道營局各員所請舉辦仍交開平鐵路公司一手經理並擬派奏留北洋差委前福建布政使沈保靖署長蘆鹽運使直隸津海關道周馥督率官商妥爲辦理計今夏英德兩國訂造戰艦可以來華英德明年當再赴海口與李鴻章等編立海軍第一枝卽就便查看鐵路設合用無弊擬請京外開礦各處均次第仿照興辦等爲因時制宜變通盡利起見是否有當伏乞 慈鑒得 旨允行○李鴻章等奏光緒九年御史劉恩溥奏請將山東恩縣四女寺及德州哨馬營南運減河修濬欽奉 諭旨體察勘度經臣鴻章派員往勘哨馬營減河淤墊既甚開挖不易四女寺減河尙可修濬並以南運減河有四在東境者四女寺哨馬營兩處在直境者滄州之捷地青縣興濟兩處直境減河早經淤塞力難開挖前於靜海縣之新官屯新闢減河一道就准軍所開營田之河下達海口藉省工費惟分洩尤重上游四女寺爲各減河之首誠能修濬實爲南運釜底抽薪之計聲明咨商山東籌辦等因覆奏在案頃年未得定議而南運河來源過旺近因借黃濟運黃水亦由間河分注每遇大汛盛漲異常沿河險工迭出非開東境減河分洩另途疏海實無以紓畿南之患上年臣曜抵東後又經臣鴻章咨函商籌於冬間遴派熟悉水工之直隸候補道金福曾前往督同兩省印委逐節察勘該減河自恩縣四女寺起至德州九龍廟入鬲津

河經由直境之吳橋甯津南皮鹽山慶雲東境之樂陵海豐塘子街直至大沽口入海據該道稟稱四女寺壩口運河水從西來折而向北作一大灣該壩適當其衝坐灣迎溜兩旁鴈翅衝刷殆盡壩身漸入河心迎水石簷其亦已破壞壩牆條石十層約高一丈三尺均淤入土中舊橋十孔約寬二十餘丈橋毀牆淤如仍修辦舊壩一經放水大溜直衝勢必聖動壩基立生奇險酌度地勢應在壩基之東減河身內移進三十丈另築新基並在原壩之北酌開引河一段引水南入新閘門略紆衝回之勢以避迎溜之虞該處原建減水閘嗣後改滾水壩寬八丈壩身高河底一丈七尺離壩上橋門寬至二丈餘乃年久停淤卒至湮塞由於壩高過水無多勢緩少停以致減河受病壩口亦因之俱病今應規復舊制於河頭改壩建閘啟閉以時較為靈動擬開口五孔每孔寬一丈六尺計共八丈閘內減河受水亦寬每遇盛漲水勢極高直下不虞過促東閘旁兩面新建金牆高一丈三尺較舊壩牆約高三尺閘底較先開頂低一丈三尺較舊壩前運河水底約高一丈大汛時閘面過水計在一丈以外如水愈大則過水愈多減河水溜去速則正河水平去緩可減運河盛漲十分之三四嗣後水漲過閘底四尺方准開閘水落至閘底三尺卽須閉閘庶免水緩沙停之患惟開口曾經移建運河坐灣出險仍須酌修埽段以資保護至閘下減河現有河形僅寬三四丈深一二三尺不等兩岸廢土堆積高一二丈寬十丈至二十餘丈今擬開口挑寬八

丈挑深一丈凡廢土之礙河道者酌量挑移所出新土皆送於原堆廢土之外藉以成堤自開口至德州九龍廟計長二千八百餘丈歸入鬲津河其鬲津河兩岸均有堤形約高五六七尺河寬六七十丈至一二百丈愈下愈寬減河卽在鬲津河之中洪開寬濬深將挖出之土兩面平攤水小時在減河內順流直下水大時但及鬲津河而上不致漫淹岸外民地計九龍廟以下五萬一千二百餘丈至海鹽之新集村前年開通宣惠河下口合流處爲止再下則距海已近潮汛相通無須接挑凡減河原寬不及八丈者概行挑寬八丈其八丈以外至十一二丈者悉仍其舊原深不過二三四尺有舊時廢土堆高河身因而自深者仍應就地勢之高下定加挑之淺深從開口挑深一丈下至工尾三四丈而止總之減河未入開口鬲津河以前局勢未能寬展限於經費祇可漸加挑既入鬲津河以後足可容納其間僅有一二小村逼近河灘須設法攔護亦無墳墓阻礙尤爲天然河道統核全河工長五萬五千餘丈除原河空土外應挑土一百三十萬方撥節估計共需銀十二萬四千七百餘兩內直境地面合銀六萬二千六百餘兩東境地面合銀六萬二千一百餘兩至東境閘工須用石料甚多查有哨馬營減河石壩年久淤廢可將石塊移撥四女寺湊用此外灰料夫工一切需銀一萬九千三百餘兩地方連年災歉民力拮据難令助工均請籌款撥給應用將來歲修再酌派民工辦理此外尚有南皮樂陵應修鬲津河舊堤直東境內橋

梁七座不在所估數內等情具稟前來臣等會查該道所擬辦法尙屬合宜惟濠河工段過長且須另建
開座撥節估計共需銀十四萬四千餘兩內東省應籌銀八萬一千四百餘兩直省應籌銀六萬二千大
百餘兩爲數頗巨兩省皆值災祲本擬照恩溥原奏另請部款但部款亦非充裕工程關係緊要不得
不由臣等合力籌辦勉爲其難現各就本境應需銀數督飭司道於工賑項下竭力通融勻撥以濟要需
責成該道金福曾督飭兩省印委各分段招集災民酌給工價實力興辦以工代賑庶窮黎可資餬口
其有應行變通之處隨時酌核辦理期臻妥善事竣將用款照案開單彙奏免造細冊至此工裨益畿南
兩省水道農田非尋常一隅排築可比在事各員胼手胝足力任艱苦不無微勞俟伏秋汛後如果減水
暢消安瀾獲慶擬請援照河工獎章擇尤奏懇 恩施以示鼓勵得 旨如所請行○辛巳諭唐炯著賞
給巡撫銜督辦雲南礦務准其專摺奏事所有各省應解銅本銀兩均著解交唐炯應用該部知道○諭
朕於三月初七日啟鑾後著派醇親王大學士恩承閣散銘協辦大學士尙書福錕留京辦事醇親王恩
承閣散銘三人分日輪流在內值宿不值宿者於申刻散值福錕每日進內辦事後毋庸值宿午刻先行
散值○壬午欽奉 慈禧端佑康頤昭豫莊誠皇太后懿旨禮親王世鐸奏請開去軍機大臣要差以符
定制一摺覽奏具見惻忱皇帝市經親政前允王大臣等所請嗣政數年正期左右諸臣盡心匡濟該親

王自入值以來以夜在公深資倚任尤當體念時艱力圖報稱所請開去要差之處備俟數年後全復舊制再降諭旨○以邵友濂爲福建臺灣布政使○陝甘總督譚鍾麟因病乞休不允命假一月○予因公溺斃福建採辦軍火機器委員顧銘等二十八人優卹○裕祿等奏接准部咨議覆四川總督劉秉璋奏江楚兩省江防海防加收川鹽釐金請卽停止以紓商力一摺飭將江楚兩省加抽川鹽釐金卽以光緒十三年爲始一律停收並議以湖北省每年應解海軍衙門經費銀二十四萬兩前請酌緩停收江楚加價以備添募今該省既以川鹽加價停止商販成本自輕濟楚之行銷數應增課釐亦當倍於曠昔摺彼注茲諒無不敷分撥之虞應請旨飭下湖廣督臣湖北撫臣務將撥歸海軍衙門經費仍於釐金項下按年照數籌解卽有不敷應另籌有著之款添解足額不得以加價停收藉詞推諉致誤要需等因於光緒十二年十二月二十三日具奏奉旨依議欽此鈔錄原奏咨行到鄂臣等查閱原奏四川督臣劉秉璋所請停收江楚兩省川鹽加釐自爲體卹商情籌顧川餉起見惟查鄂省所收川鹽加價一欸係於光緒十年二月間前署督臣卞寶第因籌辦江防欸無所出奏請將湘鄂引地之鹽無論川淮每斤加抽釐錢二文借資辦理嗣於光緒十一年江防竣事卽值創設海防奉准部議將湖北原撥南北洋海防經費釐金銀二十四萬撥歸海軍衙門作爲常年餉需經費之用臣裕祿當以事關自強大計亟應力籌有

著的款以期無誤要需但近年鄂省釐金統計每歲所入收支兩抵實已不敷甚鉅如僅就釐金項下設籌誠恐款無所措難免仍多積欠當將川淮鹽斤加釐一款奏請暫緩停收即以所收銀兩作為海軍衙門專餉其餘不敷之數仍於釐金籌補每年湊足銀二十四萬分批報解並聲明用款稍紓仍專歸釐金撥解再將川淮鹽斤加價錢文奏請停止奉 旨允准在案當時所以奏請暫緩停收者原以奉撥海軍經費釐金不敷湊解不得不酌留此款以維餉需擬俟光緒十三年還清奉撥洋款以後釐金之力略紓要款不致無著即可將川淮兩鹽加價錢文一併奏請停止今於洋款未及解清之先即奉部議令將川鹽加釐停收其應解海軍經費仍於釐金項下按年照數籌解如有不敷飭即另籌有著之款臣等伏查此項鹽釐加價本係川淮並收若停川而不停淮則川淮成本相懸淮銷不無窒礙其淮鹽加價亦勢在必停若川淮並停則鄂省所收以湊解要餉之款即驟少十餘萬兩揆度目前餉力實屬萬難周轉至鄂省應還洋款本年祇剩一期較之上年可節出銀十餘萬兩而現在部文令將本年節出之款即按十三年應還洋款數目照解部庫以補加放俸餉之數京餉要需尤不敢不儘力籌解通盤核算是曩日所計之出款仍難核減所撥之解款仍歸無著所謂加價停收後濟楚之引數應增課釐當倍於曩昔不過懸揣之詞實則一無把握本省入款止有此數海軍經費需用孔殷設致收數不齊挪措無從即所謂另籌

有著之款亦恐空言無補臣等詳加籌計並與司道再四熟商惟有仰懇 天恩俯准將停收川鹽加價限期暫爲展緩數月仍與准釐照常加收統按本年應還一期洋款之數限以收至十萬餘兩爲止俾第二期應還洋款及本年應解海軍要餉均可湊解無誤一俟前數收足卽由臣等將川准兩項鹽釐加價一律奏明停止亦免辦理偏畸以後自十四年起無須再還洋款鄂省釐金項下每年卽可騰出銀二十萬餘兩除現奉指撥解補加放俸餉不敷銀十萬餘兩仍當遵解部庫外其餘三十萬餘兩卽請以之抵海軍經費庶此後釐金力足勻顧解解不致短絀似此量爲變通在川准各商素明大義自開辦加釐以來業已遵行數年茲不過暫展數月商力所拊無多似不致爭此尼解之期限而鄂省得此補助藉資周轉要款可期有著實於餉需裨益匪淺得 旨允行○癸未以馬丕瑤爲貴州按察使賈致恩爲河南按察使○調曾紀鳳爲雲南布政使李元度爲貴州布政使○甲申剛毅奏臣接准吏部咨開光緒十二年十二月初六日奉 上諭近來各督撫往往將特旨簡放及由部選補各員奏請留省等因欽此咨行到督仰見 皇上澄敘官方剔除積弊之至意伏思 特旨簡放人員或以年老或以助望或內而宣判部院或外而著績循良我 皇上爲地擇人梯衡至當若實藉詞留省或委署別缺實非體國勵材之道嗣後遇有奉 旨簡放人員自應恪遵定制卽令赴任以重職守若部選州縣各員大半初入仕途未經民

社之任選途既廣人賴不齊其中才識夙具有志上進者固不乏人而闕茸迂拘疏於吏治者止復不少人材既有短長地方復有難易以長才屈下邑則難盡其能以要地畀庸才則必負厥職在部總掣銓衡止能按格擬註憑簽單缺不能預計其人之如何倘以未經歷練之員遽膺衝要卽令才具稍優勢不得不假手幕友丁胥以致奸叢弊迫至劣跡昭著如予撤參而公事之廢墜地方之貽害已不可勝言夫當官蒞政庶務紛紜容有學習而不免偶失者斷無不學不習反臻上理者與其參劾於員任之後而補救無及何如預教於未任之前而保全實多是以歷任各省必以開館課吏爲第一要務每日傳集在省候補及部選初到各員分班到館教之以忠愛勉之以清勤舉凡居官辦事之法到任交辦之方命盜案件如何審理保甲社倉如何勸辦正雜錢糧如何徵催書役家丁如何約束訟師土棍如何懲創一切陋弊如何革除無不反覆講明使之漸臻領悟復問舉一案使之判斷故作一問使之裁答案指一事使之條陳虛謀一語使之剖析而又撰集牧令須知秋肅輯要諸書刊印編給俾使披繹以佐日省之不逮是以年來課吏館中各員履歷一經補署無不感發奮勉駸駸向上是可見欲整頓地方必先培植人材欲培植人材必先講習吏治固未可以不讀吏治之員輕於嘗試也卽以爲實缺必令到任所以重選政勵人材而到任必先學習卽以培植人材者補選政之不及而善其後竊查我朝新選進士

曾有觀政三月之例雍正年間雲貴督臣鄂爾泰等曾有分省人員先派藩臬道府衙門學習之奏臣擬參酌仿照請旨飭部明定章程通行各省督撫除特簡人員卽飭赴任外其部選州縣各員無論何項出身到省後均先交藩臬道府各衙門限三箇月令將地方應辦一切事宜悉心學習一俟限滿卽令飭赴本任如此略爲變通在實缺人員不過到任稍遲三月而於人地兩有裨益下部議奏○乙酉朝日於東郊遣魁斌恭代行禮○禮部尙書延煦因病乞休不允賞假一月○丙戌曾國荃奏臣先後准四川總督臣劉秉璋暨戶部咨議將江楚加抽川釐自光緒十三年爲始一律停止奏奉諭旨允准分別咨照前來臣查淮南於光緒十年十一月奏准川鹽行楚每斤加抽海防釐錢三文原摺聲明如果川鹽實因之而停鄂餉竟因之而繼臣卽當奏請撤局原係暫時濟急之計並非永遠加抽今奉議飭停自應格遵辦理惟查當時議加之意固因海防需餉孔殷不得已而出此亦因鄂中加抽江防鹽釐每斤二文名雖川淮並加實則淮鹽按引抽收絲毫難短川鹽按包計算較爲便宜深恐淮價重於川價川鹽侵淮益甚由淮加抽三文既合借地行銷之誼亦無輕價搶跌之虞自加抽以後光緒十一年鄂中抽收川稅比較九十兩年均屬有盈臣衙門有案可稽十二二年尙未報齊諒亦不致過絀而淮南行楚之鹽自鄂中加釐後十一十二兩年銷數均形短絀迭據川淮各商稟請停抽加釐均經咨明鄂省將加抽淮釐

停止即當接停川釐旋准鄂省咨擬以加抽淮釐湊解海軍衙門緊餉未能遽停則川釐勢難先停若停川釐而不停淮釐則川鹽成本較輕勢必到處侵灌於淮南課餉大有關礙臣接到部文復經咨商鄂省將川淮加收鹽釐訂期同撤茲接湖廣總督臣裕祿鈔送奏稿請將鄂中加抽川淮鹽釐暫展數月自係為鄂餉一時未能周轉起見川淮事同一律淮釐既緩停收所有淮南加抽川鹽三文應請一律展緩數月俟鄂省停收淮鹽即將川鹽同時並停以紓商力而免偏枯得旨允行○丁亥以榮祿為鑲藍旗蒙古都統○禮部尚書廷煦卒子祭葬賜銀命貝勒載澄前往奠醊賞其孫容濟主事○調英阿為盛京刑部侍郎以續昌為禮部右侍郎○以奎潤為禮部尚書松霖為左都御史

三月戊子朔 上詣 奉先殿行禮○己丑以鄭工緊急命李鴻章惠借洋款銀一百萬兩○庚寅 上

奉 慈禧端佑康頤昭豫莊誠壽恭欽獻崇熙皇太后啟鑾祇謁 西陵 慕陵○辛卯調文格為三姓副都統聯恩為

金州副都統○癸巳電 諭張之洞等香澳六廠歲收為數無幾該委員等實放侵漁利歸私窠葡國以商民不便為詞初議堅請撤卡總理衙門慮與貨鹽有礙飭赫德與葡再三辨論統歸稅司代收該國始允照香港幫助緝私章程一體遵辦其助緝辦法凡由印度到港之洋藥何船何人若干數目由港官逐日知照稅司及出口時凡移存何棧轉附何船運售何口又一知照稅司會同稽察稅司全數瞭然綜

案在手設關密邇消息常通澳港內外更無殊別此事往返辨駁經年之久始克定議並非改變前說該督等於此中曲折並未知悉何得謂與原議不符海軍初設籌餉萬難有此辦法莫可歲徵巨款縱令六廠區區十餘萬之數全行調葉亦無所顧惜况經稅司代收此款並不致無著是此舉非但與各省稅釐無涉並與廣東稅釐無損所不便者不過廠員利藪一空未免浮言胥動耳該督等於朝廷全局通籌之意毫無體察輒拘持偏見故作危詞竟似六廠員弁一撤從此天下利權悉入洋人之手殊不思稅司由我而設洋稅自我而收現在海軍歲入增至一千五百餘萬業已明效可睹即使併徵之議此後辦理設有窒礙儘可隨時變通復歸舊制何至外海內地稅釐財源統歸彼族耶事關籌餉大計特旨允行又與外洋交涉斷不能朝夕改該督等接奉此旨當懷遵辦理所有該六廠補抽稅釐章程即日交付兩稅司毋准再有延誤致干重咎其抽收時刻一節業經總理衙門傳詢赫德渠允遵籌辦法禮拜不停關隨到隨驗至代緝私鹽一節前議加倍抽收重罰以困之正爲杜私起見來電謂官引被占亦屬隔膜之說現據赫德聲稱新置巡船太少不敷兼緝之用請仍歸運船巡緝等語所有巡緝私鹽之議著暫作罷論

○頒給山東文登縣棋盤山 龍神廟匾額○甲午祭 歷代帝王廟遣臧敦行禮○乙未張曜奏河工獎案向以堵口爲異常勞績獎敘最優培築堤埝修防三汛均照尋常勞績獎敘查堵築決口在事員弁

固屬勞苦危險一經堵合但將善後各事籌辦周密可無後慮而培築堤埝終日往來河千雜處勇夫之間奔走於泥濘風日之中工竣以後如保固限內被水漫決更有攤賠之累至於修防三汛自春歷秋駐守河干當汛漲之時溜急浪湧拍岸盈堤每遇黑夜之中風雨之際培走崩滾危在呼吸搶險之員必須身先兵役晝夜經營不敢須臾稍緩其危險情形甚於攻戰是以上年東省開辦河工以來飭派堵築口門工程文武員弁均能勇於任事其分段防汛修築堤埝等工該員弁每多視為畏途利害所在無怪其然大凡辦事人員志趣高邁意在報國衛民不賞自勸者固不乏人而志在功名者自復不少今東省河務尚未設立廳汛辦理甚難是獎敘章程必須量為變通核實辦理臣擬請將承修堤埝工程之員監修三千六百弓擇其尤為出力者准照異常勞績請獎文武各一人防汛之員拾護險工一處擇其尤為出力者准照異常勞績請獎文員二人武弁四人其餘出力各員弁仍照尋常勞績請獎庶於變通之中仍為限制以杜冒濫而昭核實得旨如所請行○丙申諭前經諭令管道大臣等將踰路所經之處督飭稽查乃本日沿途車馬之跡甚多殊不足以昭嚴肅著管道大臣等躬親督率認真稽查毋得再有疎懈致干咎戾並著李鴻章督飭管道各員隨時加意修墊務使一律平坦如有草率偷減情弊即著嚴查參辦○戊戌諭吏部奏遵議管道大臣站道空誤處分一摺內閣學士暨烈國子監司業崇文均著照部

議罰俸一年不准抵銷懇懇二次站道空誤應得降二級調用處分著加恩改為革職留任○謙福奏竊
查前因熱河挑挖旱河並修兩岸虎皮石牆經奴才籌議熱河道庫雜稅減平減成三項的款奏奉 諭
旨覽欽此當由戶部議准動用等因咨會前來即經 奴才分飭熱河道德克精額承德府知府廷杰河屯
協副將慶祥添派都司長福等覆估無異遂飭提款購料興修茲擇於本年二月十九日開工惟查五道
旱河東西散處相距十餘里前經 奴才奏明招集汎民挑挖以工代賑不敢招商辦理者誠恐偷減工程
起見但徑由該道等集夫督辦則鞭長莫及又慮顧此失彼而工程仍難核實欲求料實工堅必須官督
民辦較為結實茲據該道等擇本地公正廉明之紳商候選郎中萬廷齡等勸諭隨同分段督辦若輩身
家在此斷不肯自貽伊戚然非紳士應辦之件若責令竭力從公而無賞罰以資策勵恐人心有始而無
終勢必見利而忘義本年熱河鉅工交作旱河發軔伊始尤當克慎其端 奴才擬於開工之日申明賞罰
章程隨時親歷工次認真稽查如有剋扣夫價偷減工款者立時參辦果能始終勤奮工竣後查明實在
帑節工堅即予奏請獎勵利害既明人心自奮 奴才愚昧之見是否有當伏候 聖裁如蒙 俞允即由
奴才曉諭官紳俾得咸知儆惕踴躍從公實於工程大有裨益至一切需款從前估計已經十分撙節且
係以工代賑是以前經 奴才奏請援照工撫之案開單咨銷免其造冊茲准工部咨稱仍令開單造冊分

別奏咨核銷未免冗繁應一併籲懇 天恩飭部仍照前奏開單咨銷以歸簡易並請免扣六分部平俸
免斷缺而昭核實之處出自 逾格鴻慈下部議奏○壬寅李鴻章謙福奏臣等前經 諭旨派委候補
知府陳慶滋等勘估熱河 宮牆泊岸堆撥倉廩並武列石壩應修各工繪圖奏請籌款欽奉 諭旨戶
部速議具奏等因欽此旋准部議籌撥江西浙江粵海關應解部庫籌邊軍餉銀三十五萬一千兩限於
本年四月以前解交臣鴻章轉飭興辦等因奏蒙 恩准咨行前來臣等以工關 禁苑重地及閩郡民
生休戚必須趕緊興辦以免水至又遭昏墊當經函商由臣鴻章咨催各省關迅速撥解一面飭司酌墊
河工經費銀八萬兩仍飭知府陳慶滋於本年正月初七日先行帶往熱河二十三日抵熱會同臣謙福
派出佐領霖和並熱河道府等前往履勘去後茲據該員等會同稟稱遵即履勘各工應增應減稍有變
動而大概與原估無異惟現在熱河銀價大落物價漸長以刻下計之銀數已減去一成有餘查訪各路
銀價皆有減無增推原其故因閩附京一帶錢價各處大長口外向少現錢而夫工物料又必須現錢計
值以目下情形而論即竭力撙節從省估計較原估之數已增一成而日後銀價尙不能逆料且大壩用
石至多築打三合土工亦過鉅五月以來未能完竣伏秋大汛必須外築攔水草壩一道遮護以便工作
現在熱河地方天氣仍寒堅冰未解河溝深淺不能測量應築草壩只可約估銀萬餘金必俟融凍後方

能細估又二道河下游有南山嘴一坐阻水東流以致全溜西注舊日大壩以及流杯亭門外一帶均受其害如能鑿去實於將來大壩有裨惟山嘴過大石性堅硬施工不易且臨水冰凍不能澈底測量飭工約估每坐應需銀三四千兩以上二工均不在原估之內刻下情形既難核實款項卽難預定其前奏各項工程約估銀三十五萬一千餘兩皆係從省估計現在難以預估之工不在其內如果興辦能否敷用尙須臨時查酌仍設法撙節工歸實在項不虛糜惟大工需日甚長未便因之稍延一切工作謹擇於二月二十五日一律興工稟請查勘前來當經臣謙禧親往河干逐一查訪核與該委員等所稟無異彼此函商批飭核實興辦遂於二月二十五日率同在工各員親詣工次敬謹致祭飭令興工伏念園庭爲列聖巡幸之區尊藏手澤御物大壩防護幽牆關係生靈萬戶此等重大欽工爲百餘年來所未有今該員等仰體時艱竭力撙節比原建時經費省至一半有餘且有招集飢民以工代賑現在銀價大落較原估不敷甚多已飭該員等設法節省仍明定賞罰由臣謙禧隨時親往工次逐處稽查遇有浮冒偷減等弊立即參辦決不姑寬如工竣後果能實力撙節消滴歸公工堅料實則禁苑與園郡受福實非尋常工程可比自應籲懇天恩准其擇尤破格獎勵以昭激勸先行飭部立案出自逾格鴻慈一面由臣謙禧咨會國庭總管嚴飭所屬各處加意敬謹守護並約束弁兵稽查出入不准藉端勒索如敢故

達由臣等查明嚴參除款項能否敷用有無再行應辦事宜俟估計核實隨時奏報得 旨此項工程告

竣果能節省經費工學料實准其擇尤酌保數員毋許冒濫該部知道○癸卯 上奉 慈禧端佑康頤

昭豫莊誠皇太后還宮○甲辰前署塔爾巴哈臺參贊大臣明春卒子祭葬○乙巳頒給湖北隨州 城

隍廟匾額○丁未諭張之洞奏武職大員剿辦瓊州黎匪殄除首逆既復進攻崖州生黎等語前廣西提

督馮子材自督剿瓊州生黎以來攻克中東兩路老巢安撫西路良黎生擒擒匪首辦理尙屬得宜著

加恩賞給白玉搬指一節白玉柄小刀一把大荷包一隻小荷包一隻以示嘉獎現在該提督進兵崖州

仍著分辦良莠剿撫兼施俾竟全功以安邊徼張之洞等奏該處瘴癘甚重軍士遠征深堪軫念欽奉

慈禧端佑康頤昭豫莊誠皇太后懿旨發去御製平安丹十匣賞給該軍將士卽著馮子材傳旨分賞

○庚戌 上詣 奉先殿 壽皇殿行禮○祭 先農壇 上親詣行禮○辛亥 上詣北海 永安寺

拈香○總理各國事務衙門奏請洋藥稅釐並徵定明新章香港與澳門會辦允之○予故安徽布政使

吳坤修政蹟交國史館立傳○壬子欽奉 慈禧端佑康頤昭豫莊誠皇太后懿旨御史陳瑋奏請將

明習算學人員量予科甲出身並游歷人員准給厚貲參贊等官缺出准令游歷人員兼充暨漚田購用

機器各摺片著該衙門會同吏部禮部妥議具奏醇親王奕譞著一併與議○追予故江南提督福珠洪

阿於江寧建祠○調置修綱爲雲南普洱鎮總兵鄧榮陞爲四川北鎮總兵○癸丑劉錦棠奏新疆地方幅輿遼闊戈壁之外不乏膏腴民瘼以來勸爲茂草繼經平定招集流亡加意撫綏興修屯墾南路墾民繁庶荒地尙屬無多北路鎮迪各屬已墾熟地不過十之二三田賦缺額既多閭閻亦形凋敝新招各戶率皆貧乏非由公中酌借成本不足以廣招徠臣前飭據藩司魏光燾體察情形悉心籌畫酌擬章程每戶給地六十畝由公中借給籽種糧三石雙辦農具銀六兩修改房屋銀八兩耕牛兩頭合價銀二十四兩或父子共作或兄弟同居或雇夥結伴均按以二人爲一戶並月給鹽菜銀一兩八錢口糧麵九十斤自春耕起按照八箇月計算通計每戶銀糧牽算共需借給成本銀七十三兩一錢定限初年還半次年全繳設遇歉收查明酌展繳本之後按畝升科徵額糧自第三年始徵半次年全徵仍仿營田之制十戶派一屯長如營中什長之制五十戶派一屯正如營中百長之制每屯正五名派一委員管理凡請領成本督察農工一切事宜地方官責之委員委員責之屯正屯正責之屯長仍十戶出具連環保結互相糾察層層鈐束以免領本潛逃耗費贖工及滋事不法諸弊其屯正屯長每名仍准領地六十畝借給成本一如戶民之例惟每月另給屯正銀四兩屯長銀二兩仍按八箇月計算俱免扣還以示獎勵前於撥陳安插助墾人犯摺內逐一聲明在案茲查迪化縣安插三百六戶奇台縣安插一百戶昌吉縣安插

一百四戶阜康縣安插五十三戶綏來縣安插三百二十戶滿水薩縣承安插六十六戶呼圖壁巡檢安插七十四戶哈密通判安插四十五戶精河巡檢安插二十二戶總計安插土客一千九十戶除籽種口糧由倉糧項下借撥外共領過成本銀四萬九千八百餘兩另由公中籌給修渠經費銀四千八百餘兩均於善後經費項下開支其舊戶中有隱匿正賦者亦定章飭屬嚴查准各戶自行首報卽於具報到官之日按畝升科姑寬既往如不行首報查出嚴懲仍追歷年隱賦已據各屬查報隱糧一千三百四十餘石均自十二年起徵此上平定章興辦屯墾並清查隱匿之各項情形也惟新疆屯地向資渠水灌溉亂後渠多蕪廢開辦之初擇其易於爲力者先加疏濬經費尙屬無多以後續籌安插此款必須增鉅現值安插遺犯需費不貲卽以收回成本周轉能否招墾民戶如上年之數應俟察看情形酌量籌辦以期戶口日增荒蕪日闢賦額日加漸臻富庶至南路各屬亦報新墾地一萬九千餘畝分年起徵均係報明不領墾費合併聲明得 旨允行○乙卯裕祿等奏 臣等准戶部咨醇親王等會議整頓錢法分條臚陳一摺恭錄欽奉 諭旨並鈔錄原奏咨行欽遵辦理前來 臣等查閱原奏各省制錢應令酌量搭解無須多提一條內開沿江瀕海各省鑄金局均有抽收制錢易銀解餉之事若將制錢運京備用亦屬權宜之一策戶部前奏擬令湖北等省於應解京餉銀內共酌易制錢一百二十萬串查民間惶惑之情商人趨利

之私到處皆然若提銀過多必致錢價驟漲亦非市隱不擾之意擬令江蘇湖北江西浙江安徽等省酌量該省情形能提若干卽解若干一面奏報一面分批解至天津聽候戶部提用等因詳繹原奏現在京師整頓司法規復制錢必須寬爲籌備議於趕辦鼓鑄外兼令沿江濱海各省籌解制錢係就外省錢文之轉輸藉補京局鼓鑄之不足並爲地方情形籌計仍飭酌量提解期與市隱無擾統顧兼籌權衡悉當自應合力圖維分批提解以濟要需等因卽督同司道就現在湖北情形悉心體察鄂省爲水陸通衢商賈輻輳貿易往來需錢最廣本省鹽課釐金兩項大半以錢完納統年計之爲數雖屬不少但向來各局所收錢文除本局每日應用錢款照章開支外其餘解省之錢均係隨時悉數易銀以供溱解京協各餉之用而民間市肆交易以及完納課釐等項亦卽恃此循環接濟藉以流通近年銅錢裝運出省者過多市面錢價因之日昂本省已有缺錢之患若一時提解驟多恐閭閻解解維艱不特有妨民用抑慮礙及鹽課釐金等公同詳酌擬請先於本年所收釐金內籌備制錢十萬串卽自本年三月起按月勻提一萬串分批委口山招商局輪船裝解赴津聽候戶部提用此項籌撥錢文應請在於本年奏撥釐金京餉項下劃抵核計每制錢一串約值銀六錢有零將來起解時價值漲落尙難預定應查照同治七八兩年解錢赴京成案各歸各批按照隨時市價核實開報大致解制錢十萬串約抵京餉銀六萬數千餘兩

俟運足十萬串後察看市面錢價情形民有用無窒礙能否續籌提解再行奏明辦理至前項制錢由漢運滬由滬運津需用輪船水腳以及上下駁力包皮繩索等項查同治年間成案係每錢一串准銷銀九分此次能否酌減亦俟批解時撥節辦理據實報部核銷照案一併在於應解金京餉本款內開支劃抵其餘撥剩金京餉仍行照舊分批籌解不致延誤下部知之○丁巳 上請 太廟行禮○是月義大利國使臣盧加德回任